


貞治新書二集

十三四




			五	漢
		四	一	書
	二	六	五	門
	四	九	八	
册	架	函	號	類

庫文園內

元五

園架

內閣文庫	
番號	漢 5158
冊數	24 (19)
函號	297 28



Kodak Gray Scale

G Y M

© Kodak, 2007 TM: Kodak



資治新書二集卷之十三目次

告示部

民事一 清戶役

均役示

嚴革見年

糧役示

民事二 均田賦

均田示

民事三 招復業

招歸善縣難民

陳大來



賈膠侯

高寓公

顧南樓

李包闡

資治新書二集卷之十三目



民事四 勸開荒

勸諭開荒等事

顏孝敘
喻念茲

民事五 禁勒報開墾

禁懸報熟地

賈膠侯

禁懸坐開荒

賈膠侯

再禁懸坐開荒

賈膠侯

民事六 查隱漏地畝

察隱地

賈膠侯

民事七 重鄉約

選鄉約

蔡魁吾

鐸書示

蔡魁吾

民事八 嚴保甲

活保甲條諭

周樸園

嚴查奸宄示

呂長木

民事九 恤商民

禁官價

蔡魁吾

恤商民

賈膠侯

除行戶

曾道扶

諭行戶

劉耀薇

諭行戶

白九峯

懸鑼察弊事

王望如

民事十一庶務 禁違例放債

李含馨

嚴禁違 旨背律等事

周棟園

闕辭亡丁

蔡魁吾

告示 禁捨火

陳司貞

斬放火兇犯後曉諭軍民

陳司貞

誠諭出洋愚民 以上俱入民事補

陳司貞

嚴保甲示 入民事八

李毅可

靈隱禁約示

梁治潛

資治新書二集卷之十三

湖上笠翁李

漁菟輯

婿沈心友 因訂

民事一清戶役

均役示

漳南陳大來 諱啓泰 守憲 益州人

為嚴禁漏富差貧以甦窮民積困事照得民徭之重
今實堪憂力役之征古所不免處今日而欲民安耕
鑿之常不歎差徭之苦此必不得之數也但照糧米
當差富者役多貧者役少倘丁困苦之中猶享均平
之福乃有糧多頑戶慣使安逸之錢不任繁勞之事
或借庇于鄉紳或免情于游客或倩衙蠹舞文或免

劣衿抗法。將上手苦役。卸之下手貧民。李代桃僵。莫可控訴。甚有以里催見年等役。十年一輪之差。亦冒宦戶生員戶。託情求免者。是單戶小民。永無息肩之日。而素封大族。常偷高枕之安矣。茲本道蒞任伊始。一切民困。誓與蠲除。而均平戶役。其首事也。除牌行各屬印官。以後輪點戶役。及簽派民夫等項。不論紳於百姓俱照糧數當差。一概不准優免。外合行出示曉諭。示後如有賄囑濫免等弊。許受害里民指名控訴。以憑嚴究。

嚴革見年

陝西 賈膠侯 諱漢復 巡撫 曲沃人

爲見年禁革已久。有司陽奉陰違。再行嚴禁。以信功令。以甦民困。事照得各州縣設立見年。實屬民間大累。先會奉 旨革除。又經本部院嚴禁。不啻三令五申矣。邇來如咸長等縣。革除細弊者固多。中有一不肖有司。私用見年者。仍復不少。切思督催錢糧。自有里排什則。何用見年。又何至屢禁不革。卽此屢禁不革。知非無故而然。細詰其由。則以見年之設。雖損于民。而實大利于官。故也。如錢糧則應吏收官。解官侵耗銀役。索常例。而以起解責之。見年傾銷路費。添搭等項。俱令見年出備。如號馬草料。額有站銀。站銀官

役侵肥草料則派見年供應驛馬倒斃應動正項錢糧正項入已則馬令見年買補損轎馬夫民皂等役自有經制額設工食工食官役侵扣勒令見年私幫或因上司差人催提事件責令見年起發或稱夫馬不足勒令見年僱夫貼馬甚有過往安置俱應餽送以及本官需用細帛布疋米麵蔬菜什物等項件件出諸見年所謂取之無窮用之不竭者見年是也夫官受見年之利者如彼見年受官之累者如此無怪見年不敢近官而官之不肯去見年也且見年一立衙役視為奇貨如明歲備當見年今冬先遞認狀見

面召保等事行行有費及其任事之後或稽查保甲逃人等事月月取給則月月有費稍不遂意則拘鎖辱毆凌虐戶端夫衙役受見年之累者如彼見年受衙役之害者如此無怪乎見年疾衙役如讐而衙役趨見年若鶩不欲使官去之也嗟嗟小民竭數年胼胝之力盡生平積蓄之資只須見年一役遂足蕩產傾家本部院言念及此能不痛恨除密行嚴訪叅拿外合再申禁為此仰本官即便嚴行所屬各州縣務要恪遵功令洗滌膈腸凡有見年者乘本部院未經察出速速革除仍刊刻木榜堅立縣前使人人曉

論該廳時加廉訪倘有仍前不遵法令尚用見年未
革者即據實指名揭報以便飛章奏處云

糧役示

涇縣 高寓公 諱承 挺 嘉興人

為永定糧役以除積害事照得涇縣南北運米凡七
千餘石舊例將邑中戶甲分為四區名爲糧長輪克
是役每十年一次惟是田有多寡分區各派已有不
均之歎邇來米價甚貴及官軍交兌需索常例費出
無名遂至每米一石貼銀三兩有奇在田多糧廣之
區已爲十損其一若以小區克之役未終而田已賣
甚矣役重之難支也且其中之虧弊更有不勝言者

如所分之區有田過萬畝者有不及百畝者其相去
之數不啻霄壤而均派使費一無重輕則少者何辜
而多者一何幸耶此其弊之明者也又有將克本戶
現年豫將其田詭寄他戶及他戶將克現年又將其
田弔歸本戶則奸民豪戶之田永無當差應役之日
而其苦悉歸于忠厚小民此其弊之暗者也有田
多糧廣之大區利于現年之省費賄通里書及該房
甲扯下手戶甲之田使之貼費朋黨及至輪該下手
費用雖多而其田已寥寥無幾是輕者愈輕而重者
愈重此之爲弊又在不明不暗之間者也邑田止有



此數一任奸民蠹役移東移西扯來扯去縣官能知而不能禁小民敢怒而不敢言養弊縱奸害將安底今本縣不避怨勞爲爾民力清此弊除兌軍使費本縣恪遵祖制盡革陋規以押旗軍橫索外復嚴加釐正通計合邑共田若干十年輪免戶役每年派田若干永立定額不使區有大小費有輕重派定之後即使田有開除變賣至年分輪及仍令扯回扣數以期適均行之經久自能無弊爾民毋得再圖躲閃自貽伊戚須至示者

民事二均田賦

均田示

六合顧南樓諱高言秀水人

爲奉憲編審詳定均田以甦民困以垂永久事照得則壤定賦王制有不易之規計產均輸編氓守一成之法九列版圖罔敢踰越但民間消長不齊戶口增除靡定故十年大造以便推收法至善也本縣承乏茲土編戶僅一十九里而其中偏枯舛謬不可勝言甚至一甲而蓼七數畝一甲而積畝數千無怪阡陌連田而膏腴坐擁立錐無地而煩苦莫支此從來流弊極重難返之勢也本縣待罪以來稍有禔于地方者實心奉行茲奉憲檄編審與紳衿父老公議興革

力行均里均田之法。通盤打筭。每甲額田若干。務期
衰多益寡。不至此絀彼盈。自夏徂秋。焚膏繼晷。田畝
參差。戶田增減。皆親自裁定。從無假手吏胥。並不稍
徇情面。今榜册告成。詳憲勒石。永定良規。不惟窮闕
免不均之憂。卽素封亦無偏重之累。豈止貽美利于
十年。或可垂善政於百世。倘有豪強抗法。專利而思
阻撓。孤鼠作奸。憑城而滋花詭。本縣盟心有素。執法
如山。月旦之口。易移。薑桂之性不改。知我罪我不顧
亦不問也。其各凜遵。永垂無斁。

民事三 招復業

招歸善縣难民

嶺東李向閣 河南人

爲招徠復業事。照得縣名歸善。善則可歸。爾邦旣爲
首善之地。此時又遇勸善之官。爾等不歸。更復何待。
聞此城向稱欣樂。今規其氣象。清新風水靈勝。但房
宅損壞。須費綢繆。本道念切民依。恐此等基地。日久
無人。則爲荒草湮沒。或成廢土。或報入官。殊爲可惜。
昨本道親閱城郭。葦若金湯。周視戶牖。尙堪經理。爾
民興其圖新。何如仍舊。爲此示諭。各原主知悉。卽便
查照舊日基址。各自認識。稍稍葺治。便可安身。如或
一時难于創造。許爾民各剡草萊。豎畫原址。漸圖起

蓋但不得越過尺寸。致啓爭端。爾不侵人。人亦不敢侵爾。此本道一片熱心。亦綏輯地方之亟務也。

民事四勸開荒

勸諭開荒以廣農業事

邵陽 顏孝敘 諱堯揆 邑庠 承春人

照得農以力田為本。業以廣植取饒。凡爾百姓。歲有應納之官糧。日有必需之雜費。上自祭祀燕享。下及衣食婚嫁。事事要行。節節難省。務期田多業廣。方能取用裕如。今本邑荒田尚多。使富者能墾。則家道益增。貧者能墾。則妻孥有靠。赤身者能墾。便可有室家。以致富庶流寓者能墾。便可為世業。以貽子孫。不費

半價而可得良田。陸續用工。而又得薊獲從長計較。開荒實為上策。况今農事伊始。兩場時若正宜及時。開種使秋成有望。千倉萬箱。舉家歡樂。此亦何等美事。而甘蹉跎過日。豈本縣能為爾百姓謀。在爾等百姓。反不能為一家謀。一身謀乎。為此示諭四十二里人等。知悉各相鼓勵。有力者獨耕多畝。無力者合本同開。其有欲墾無本者。着同約正具呈本縣借給牛種。俱照例三年起課。仍給照帖。以杜爭端。如能墾踰百畝。即着呈報本縣。定行賞紅獎勵。并免雜差。是爾百姓既得為務本之良民。又得受官府之優待。如此

機會萬母坐失。轉相傳告。以觀厥成。

諮訪民情示

潁州刺史喻念茲開東人

為開荒。旨諭登頒。田野荒蕪。如故。新任者不得其由。畏墾者必非無故。合行諮詢。以便興行事。照得開荒一事。登奉。明旨。許以三年起科。又奉各上臺憲示。凡屬墾荒之民。一概免其差役。亦可謂有利無害。難得易失之機會矣。乃本州入境以來。處止馬。縱視其已經播種者。皆係熟上。而新墾之地。甚是寥。豈今鞠為茂草者。盡屬槁壤石田。難施胼胝之力者乎。然必寸草不生。一鋤難下。始稱不毛之地。未有墾

菁盈。又雜豕成群。能產野粒。以活禽畜。不可植家穀。以養人民者。也。本州。睹此茂林。豐草。不勝為爾民歎。息。求其不墾之故。必有一種苦情。或畏開荒之初。豪右見阻。或慮墾熟之後。故主出認。或地頭里役人等。需索雜費。皆不可知。至于農器耕牛。本州自能措處。給發小民。何畏而不前。為此出示諮訪。爾民凡有難墾之情。速來陳說。本州忝為民牧。自當為爾分憂。

民事五 禁懸報開墾

禁懸報熟地

河南賈膠侯諱漢後

為嚴察懸報地畝。以杜民累事。照得此番清查地畝。



本部院數經告誡。又委道官親詣勸諭。令民自首立無罪地。誠慮清丈之後。荒熟不清。隱漏難掩。彼時地既入官。仍要科罪。追租窮簷小民。何以堪此。諄諄告誡。令有司共知。令百姓共見。不欲懸坐一畝之熟。亦不欲飾報一畝之荒。滿望豫屬州縣。遠邇共知。孰意近聞歸德所屬州縣。有熟地而從實首報。間有荒地而亦捏報成熟者。揣愚民之心。不過因向來舊則行糧。有二畝而折大地一畝者。有三四畝而折大地一畝者。恐欽差不允。照畝作算。貽患不小。殊不知各處地畝等則。大小原自不同。丈量繩尺。悉照舊行規

則已經戶部題覆奉旨允議。本部院先據邸抄。即遵行所屬在案。爾民果荒為實。荒熟為實。熟合算不虧原額。即欽差御史前來。未有不深悉民情。甘外等則而別為吹求。以作強民之事。爾百姓何必皇皇。過計若斯。第思此懸報之地。多在紳衿。而在里民。里民何辜而受此賠累。恐類此者。不獨歸德所屬為然。若不嚴行清查。民害何除。合行出示。確查為此示仰豫屬州縣。併紳衿里民人等。知悉各將熟荒地畝從實首報。各處成熟見在。實實若干。荒蕪見在。實實若干。合盤打算。既不虧額。又不累民。造冊申報。自無

後患倘有司奉行不善地仍有荒而飾報全熟強民
賠累者該管道府即指名揭報以憑題參治罪若道
府不舉爾被害之民與其告辯於異日何如其告於
今日本部院即與除豁斷不貽累慎勿自相疑畏甘
受包荒自罹賠累之苦貽本部院以不美之名爾士
民其相信相諒勿自貽悔須至告示者

禁懸坐開

河南賈膠侯 諱漢復 巡撫

為嚴禁勒報地畝以蘇殘黎事照得中州百姓連年
報無餘年來水旱頻仍所收尚難糊口又兼兩年並

徵小民輸辦維艱切膚之患尙顧不暇豈有餘力再
事開墾但恐不肖有司謬循季報之例圖邀紀錄之
功不論開墾之有無勒民強報罔恤黔黎之疾苦按
戶懸裁又恐積蠹里書借季報之名目為索詐之由
頭稍不遂意暗捏地數人冊斯時地方罹災甚多斯
時百姓窮苦無告倘官役不体民瘼窮黎必至逃徙
則已熟之地將見復荒安望久荒之地復能成熟也
一至民逃地荒之後錢糧遞欠益多各官考成尙難
免于參罰又安望紀錄之能待邀也民累卽是官累
爾各有所司但未熟計耳合行出示曉諭為此示仰撫

屬官吏士民人等知悉。示後凡鄉紳士民果有新墾荒地。聽其自報入冊。若無新墾。季終回文。如敢違禁勒民強報。或暗加懸裁。不論地之多寡。許被害之家。卽赴本部院衙門據實陳告。該管印官從重叅處。經承里書。鎖拿斃杖。決不輕貸。各宜凜遵。慎毋以身試法。

再禁勒報墾荒

賈膠侯

為開墾聽民自便。勒報大拂人情。嚴飭奉行各官。勿以邀功歛怨。事照得墾荒一案。關係考成。多則論功。少則註劣。此定法也。但邇來朝廷建一功。格存司

卽增一糧。途有司增一糧。途小民卽多一死法。苟利功名。走之若鶩。雖斃數百家之生命。以自殉。所不顧也。如一聞錢糧全完。不論俸滿卽陞之例。各處有司急圖陞轉。無不嚴刑酷比。多有斃民杖下者。一聞墾荒叙績之例。各處有司無不家櫛戶比。坐以荒田勒使開墾。多有不顧怨謗者。獨不思爾要功名。百姓亦要性命。爾圖眼下富貴。百姓也圖日後平安。若以力不能墾之田。逼之使墾。姓名入冊。轉眼卽是三年。萬一錢糧徵比不來。後官豈肯代為任過。則捏墾之罪。較之不墾尤重。求進得退。是由。擡首使長與宋人同

一轍也。令行嚴禁云。

民事六 查隱漏地畝

祭隱地

河南 巡撫 賈 膠 侯 諱 漢 復 山西人

為嚴察隱地貽累大弊。以蘇徧若以振法紀事竊照
曩者奉文清察地畝。一以釐欺隱之弊。一以清包荒
之苦。原行甚明。鑿在案。若州縣果履畝親丈。多者
少者。當下立判。亦何小民受累至今。尚有徧苦不均
之歎耶。近訪得前此躬親踏勘。從公冊報者。固有而
以察地之責。專委里長鄉保。正據冊報。借手塞責者
儘多。以致豪強多種無糧之地。而小民反納無地之

糧。所以然者。非里書戶房通同賄賣。即奉委鄉保畏
惡。徇隱如此。永害累及。縮氓就有膏腴肥產。亦必力
不能支。而況胼胝薄田。僅足糊口者。能保其常守故
園。而不轉徙他所乎。為民上者。目擊此況。一味悠悠
忽忽。而不一為振刷。不惟無國法。更無人心。本部
院今已訪知。多種者。歷歷有人。徇縱者。比比而是。若
不嚴察。特泰民害。何除。為此牌仰該司官吏。即便移
文守巡等道。轉行各府州縣。大張告示。諭曉隱地者。
盡數出首。包荒者。據實開陳。該州縣就將所首多種
之地。均補賠累之家。若賠累人戶。有能舉報他人多

種地畝。審明得實。先補本人餘。及他戶。仍卽賞銀二十兩。該州縣果能大破情面。實心奉行。清出數多者。備造清冊申報。本部院定行破格題薦。從優議叙。否則情面是徇。因循如故。致豪強有地而無糧。小民有糧而無地。或被人告發。或本部院別有訪聞。先提里書戶房立行處死。仍將漏稅豪強。與徇縱有司一併叅處。概置重典。必不令奸貪得計。而使小民負累莫伸也。

民事七 重鄉

選鄉約

淮揚
蔡魁吾 諱士英
州人

爲慎選鄉約以弘教化事。照得鄉約之設。彷彿古人間師黨正之義。俾其宣化于鄉。以佐政刑之不逮。任至隆法至善也。上之必年高有德。孝弟力行之賢。次亦必老成無過。端方正直之輩。俾之表率鄉閭。訓迪後進。善者有所興起。而不肖者有所嚴譴。其於化民成俗。良非淺鮮。本部院前在江右。極力舉行。今撫此士自合加意。乃聞此地鄉約一途。盡失古意。或以衰殘。備數。夙無懿美之稱。或以庸碌。具員。每叢訾議之口。遂致匪人競進。以爲榮。高士鄙棄。而不屑。良法美意。漸滅盡矣。合行出示。改革爲此。示仰撫屬各衙門。

知悉。此後選舉鄉約。必期齒德俱尊。行業無玷。隆以體貌。免其雜差。地方之利病。鄉約得而陳言之一。鄉之善否。鄉約得而舉報之。賢良有司。不時延訪。詢民疾若。以便興利除害。本部院。巡歷所至。亦將進而問俗。觀風。敷求至理。庶先聖所云。吾觀于鄉。而知王道之易易乎。其各實意奉行。毋以虛文塞責。交到各其遵依。回覆。

鐸書示

江西 巡撫 蔡魁 吾 錦州人

諭饒屬父老子弟知悉。本部院撫茲江土。承

聖天子仁愛斯民之意。實欲先正俗而後行法。先立

教而後明刑。爾饒地素稱詩禮之區。自變亂來。流離凋敝。斯民失其恒產者有之。恒心或亦因之頓晦。牧茲土者。見民之日習于非也。不得不繩以桁楊。桎梏本部院。念此無知之衆。久失教化。深堪哀矜。但不先發其天良。叮嚀勸戒。遽施以敲扑。民即苟免。避法將益流於詐偽。源未澄而欲清其流。殊非致治之本。則我有司。與爾父老均宜分受其過。語有云。蓬生麻中。不扶自直。日沙在泥。不染而黑。民俗之善惡。人心之淳薄。豈不由於薰陶漸漬哉。本部院視事之始。即以行鄉約保甲為兢兢。布告通省。既有日矣。愧力短心

長不能家諭戶曉。所賴良有司。體愛民之心。行愛民之政。以匡本部院所不逮。惟爾饒之太守。能懋勉力行。擇立都綱。首舉鄉約。申明六言之旨。更建社講學。與士民覃敷文治。教誨爾之子弟。敦厚爾之族里。此爾饒百姓之幸也。爾百姓試思之。今官府以禮讓教汝。汝同得優游自如。若以刑法繩汝。汝安所措其手足耶。苟或刁頑不格。面從心背。是則教之不改。王章必難輕貸。一陷於罪。惡大者誅殺。小者鞭撻。自罹法網。全家離散。又為衆人之所共棄。求若此之協和仁愛。雍容歌咏。各享其父子妻孥之樂。豈可得乎。爾等務傾心向化。講鄉約。卽思行此鄉約。父勸其子。兄勸其弟。尊長勸其卑幼。親朋勸其黨與。期無負上官諄切至意。使人其稱為仁里。為德鄉。本部院採風問俗。必首嘉與此矣。倘鄉約中有能實實化導一方者。該府卽以具聞。本部院給扁額旌榮之。如有梗化亂教者。本部院訪知。立為爾地方剪除。敗類決不姑息。其慎遵毋忽。

民事八

活保甲條諭

青州周櫟園諱亮工

照得保甲之設。弭盜防奸。原屬急務。近來加以東人

藏匿如鬼如蜮。一失覺察。下則地方隣佑。受其株連。上則州縣府道。受其叅罰貶害。不小勢不得不實力舉行。但人情樂于簡便。苦于煩擾。當時陽明王公。舉行此法。猶有謂其擾民無益。幸而州縣不真實奉行。何況後人。視陽明不啻霄壤。豈不願一味安靜。與民休息。但利害所在。較若觀火。行保甲則官民俱利。不行保甲則官民俱害。再四躊躇。欲求妥當。每見從來奉行此法者。往往不本實心。虛應故事。不過十家一牌。書寫百姓。官府經過。掛之門首。官過則徹。州縣官並未彙造成冊。即使造冊。亦絕不一寓。且不一開

活字人
能為奇
手獨稱
確由來
無法不
活皆死
于不善
行法之
手先生
能令死
者復活
詎非醫
國手乎

心。雖遵奉上。行刊刻成書。徒以供覆瓿。充廢紙之用。豈不可惜。甚至經年累月。只此一牌。並不一查。並不一換。真成故套。本道今行活保甲之法。但以十家言經年之中。豈無遷移來去。豈無死亡。增添若不改計。詳明。終係格套。今令一一開載。某家自某處移來。某人向其處移去。某人已經病死。某家增添某人。務使底裏其知行踪明白。則奸人自無所容身。而遇有勾提。按冊了然。不得指鹿為馬。致使李代桃僵矣。至于取籍。不用衙役。止須各里見年。至縣帶投。查點不遺坐貳。必須印官躬親。簡從無擾。詳載後款。務在安

畢竟此
多彼少
前項
八千中
見一

民而已顧州縣每每不肯力行者其故有二。有一種人真心愛民以為清查既明姓名在冊萬一有東人干連則兩隣甲長地方等無一得免者不如含含糊糊猶有展辯出脫之地此賢者之仁術也其或不肖之人借為騙端指東那西拘貧賣富官府設陷阱以害民吏胥張網羅而取利小民何罪一經牽連有家破家有命喪命窮其禍源總由保甲不明故扳引任意耳倘能實實奉行按冊跟究則盜賊東人自難隱匿自難容留即賢者不必用其回護而不肖者亦無所肆其貪婪矣爾等清夜自思是為擾民為不擾民

是為安靜非為安靜則本道一番熱腸苦心亦可見諒于羣黎矣所有事宜開具于左

一定保社長從來行法惟貴因民若保甲之百家為保十家為申此舊例也各縣村生不一所有原設之社長地方十家長俱如舊例或輪克或常克照舊仍管地方之事本道不令更翻但責成比前加重凡各戶有人作非為之事十家長鳴之社長即酌量事之大小如隣里言語不和小事爭競如牛馬踐踏地土參差一切小事社長十家長可以處分消釋者即為處分消釋以免兩家爭訟蓋告狀打官司極是不好

的事。一到縣中。卽寫狀一事。就用錢起。縣官准了。要見承行。請喫酒。送出牌錢。僉牌出來。就請差人送盤費錢。此原告之用錢也。差人到被告家。索酒飯。索差使錢。若事體畧大些。還說這張牌票。我用多少錢財。從衙內買出來的。我在書房。用多少本錢。纔差出的。不怕被告不打發。至于打點承行。鋪堂及用刑皂隸之類。一衙門之人。箇箇詐到。方得見官。官審之後。還要問罪。打板子。罰紙。罰穀。罰硝磺。罰修城。罰修學。罰修公署。許多名色。都要銀子上納。官司豈是容易打的。若是民風淳厚。各安本分。士農工商。不作非爲。何

用保甲。只因不學好的人多。所以設立保甲。名色全要保甲。勸誨小民。使之相安無事。到勸解不開之時。方許報官。聽官法處治。此各屬保甲之長。俱照舊克當。但本道把保甲長。看得極重。看得極重。纔好把地方之事。責成在他身上。爾等原舊做保甲之人。當改心滌慮。從頭做起。保甲之名。雖舊而保甲所行之事。却要鼎新一番。

一嚴互結。彼此互相保結。則善長者各以類應。人自放心。同結稍涉不端。人必不敢結。不敢結卽以不敢結之故。稟官。東人無容身之地。奸宄之事。必敗矣。然

從來互結。就一家所居。左右爲兩隣。一家有無容隱匪人。取兩隣互結爲憑。東家之西。卽西家之東。但孤村市尾。或有左而無右。或有右而無左。或並左右皆無。則又格而難行。本道今立簡便互結之法。凡市集村落。或三五戶。共一紙互結。或七八戶。共一紙互結。結尾方書某等各戶左隣某右隣某。缺者止書貼隣。以便查叙次第。但不許過十戶。亦不許隔越間斷。須挨家逐戶順去。則耳目所及。見聞又便。爲好爲歹。自不能瞞有無往來。人所共見。至孤庄獨村。或止一二家者。許于相近村隣。共爲互結。結狀交與地方。地方轉交見年里長。繳縣存案。候查未到縣之先。中間有不入結者。地方明白報縣。爲何緣故。不敢人結。或令自新。或准親族公保。令其改過自新。此法一行。不惟從前奸宄無容足之地。向後外來之東人。亦難再入矣。

一嚴連坐。東人必有窩主。兩隣十家長。地方其連坐之例。法已久行。但常有爲盜窩盜之人。起初未露形迹。地方隣佑人等。偶被遮瞞。悞經互結者。須立一格。許令于互結之後。具詞鳴縣。其星云。爲報明某事。某等互結狀內。某入近日出入不測。或有面生可疑之

人來往。或于某日出往某處。計程幾日當回。至今過期不到。誠恐改行爲非。理合報明等情。此呈。迨後。本人犯事。卽與互結人無干。但不許于事犯之日。臨期搶塞。至于出首東人。本道已定賞格。遠近悉知。此外如有爲盜窩盜等情。其互結之人。有能擒首到官者。審實賞銀十兩。卽以犯盜窩盜之家產克之。如此嚴行。則耳目旣廣。賞罰又嚴。必無以身試法者矣。

一禁騷擾。從來縣行保甲。書房出票。差人下鄉。酒飯之外。另有頭口錢。草料錢。造冊紙。張錢。寫冊工食錢。皆取之地方保長。地方保長豈有餘錢代賠。勢必飲之各戶。卽不指二科十。亦須倍二倍三。不難出者。艱難者。亦覺繁瑣。是小民未受保甲之利。先受保甲之害矣。是以中格不行行之。亦病其苦。且于月朔。遞結四鄉地方保長。必有往來之費。該縣查緝逃入盜賊。卽有查緝之費。差人取結。卽有取結之費。今與各屬印官約。本道亦從縣令起家。習知縣事。凡取谷社各村鄉互結。不必差人。但以所出牌示。交與該地方。該地方。交與見年里長。見年里長。胡久。在鄉催糧。不時赴縣。比較卽于比較之日。順帶結狀。投遞各戶。小民不走一里。不費一錢。故以取結之事。責成里長。自

無騷擾勒索之弊。外鄉互結既到，查其次序，謄錄成冊，卽申府道存縣之冊。該縣自發紙價，毋累書役。累書役卽所以累里民也。其申送府道之冊，應該紙價若干府道自發，不累縣官。累縣官卽所以累里民也。此冊已定，則各處村庄地名及百姓兩隣人等之姓名俱可一目了然。此後若有東人犯出，督捕行提某村某庄逃入某窩家某兩隣某十家長某地方某該縣已先明白。及差役往拘，不過按圖而索，彼有何權復能生端。索詐至于某處，報有盜劫，亦可按冊先查察地方之稠密荒涼，以揣盜竊情景，兼可辨爲土賊外賊。若係別處行劫之賊，供報係該縣地方之人者，亦可按冊稽察。有無此名冊上無名，則係假捏冊上原有，則此人出外，何以在結。諸人不報，便可懲一警百。以杜將來。其有查緝東人盜賊，勢不得不差人下鄉者，該縣必須嚴行示禁，官不護役，役自不敢犯法。表正影直，百姓受其賜矣。

一編軍民。軍民原分文武管轄。如軍居軍屯，民居民庄，自應各立保甲。若以地界相連，或因佃種寄居，軍屯之內有民戶，雜處者，則民戶自應隨軍編派。民庄之內有軍戶，雜處者，亦應隨民編派。通行稽查，遇有

逃竈盜窩淫賭等項事發乃分地方責成蓋保甲之法止就稽查逃人賊盜淫賭而言非比僉派差徭徵收錢糧各有管轄若軍民分爲兩途不惟有事之時互相推諉亦非畫一之法矣。

一禁撓法十甲之法其來已舊今人所以視爲故事者皆以紳衿富豪概求優免翻來覆去只查點貧民小戶耳况窩東窩賊開賭場容娼妓非大有勢力之人卽窮兇亡賴之徒也誰敢以身家性命拚與此輩做冤家故立法必自豪右始或有投克宦戶者未必不寒星外居此輩在一村卽爲一村之領袖在一鄉

卽爲一鄉之主持衙蠹結爲腹心無賴供其指使每于立法之時或倡異議不使挨家順戶爲結或有不應入結之人影名藉勢壓伏隣佑強之入結或于既結之後肆行不法不容兩隣地方揭報或已經揭報至受官府懲創之後不悔前非生端報復此等弊害一有所犯許地方指名赴告官府審實立斃杖下斷不容其阻撓梗法以爲民害。

嚴查奸宄示

江寧呂長木 講元良 別駕 晉江人

爲嚴飭保甲以靖地方事照得本廳職司捕務首在安民故設立保甲期于防盜詰奸正所以安民也乃

官欲安民而爾民不想自安。有盜不防有奸不詰。甘為燕雀處堂。殆至事發以後。始來求救于官。雖欲為焦頭爛額之人。亦何及矣。卽今地中八所。當字舖地方。地廣人稠。賢愚雜處。聞有奸徒惡少。類聚酗酒。種種不法。釀禍地方。而該方總甲人等。稽查懈怠。既不驅逐。又不報官。夫賭博乃竊盜之階。酗酒卽為非之漸。萬一逃人奸宄。溷蹟其中。劫盜穿窬。乘機竊發。是誰之咎歟。除一面密差嚴拿外。合行禁飭。為此示仰該地總甲人等。知悉嗣後。各宜小心查詰。遇有前項匪人。卽赴本廳密稟。以憑拿究。敢有受賄容隱。事發

一併連坐

嚴保甲示

河南李毅可諱士禱
泉德昌邑人

為保甲良法。貴在實行。詳請憲示。以便清查。以期成效。事竊照保甲之設。所以靖地方而察奸宄。法至善也。乃有盜竊時聞。逃人潛伏。未見保甲公舉。何人指摘何事。其弊壞于印捕。各官之未曾實行耳。雖印捕莫不日言保甲。人戶莫不日遵保甲。言保甲者止于差催鄉長造冊了事。遵保甲者止于置立門牌奉行故事。竟使治世之良法。襲為後世之虛文。茲本司仰奉憲臺清理地方。至意查訪。府州縣守令。皆不留心。亦且有功千古。

登台新書二集卷十三

三

芥子園

盜賊之起皆為垂涇富貴之家以理論之當以大戶為主編民附之今便貧民為富家守戶誰肯甘心此古法之所以不效也

保甲捕官力微亦不能行保甲紳衿貢監之家不論壯丁多寡通不遵查入牌各衙門衙役匠作通不遵查入牌即問有入牌者亦通不遵令守宿不過一牌之中三五赤貧菜傭聽其查照守宿而已不思保甲原是里井守望共衛身家之策今富貴之家既不肯効力協守而貧賤之流又豈能專心禦賊勞逸不公人無銳志法雖設矣豈能收効茲欲實行保甲必當委文武各官公同從頭清查務使家喻戶曉照例十家仍編為一牌僻小村生街道就將見在幾戶編為一牌鄉紳舉貢生具本諱例不八牌其本戶子弟奴

僕壯丁俱入牌衙役入牌其家長子弟奴僕俱入牌兵丁除營房內聽各營清查外其雜處民居者俱入牌寺觀僧道俱入牌各戶婦女及男子六十以上十五歲以下通免入牌人戶既清民心鼓舞稽察防守便有根據嗣後鄉長鼓率甲長時常誥誡互相查詰或甲內有不孝不弟酗酒賭博或遊手好閒不事生產習非作耗及面生可疑或盜賊逃人等情甲長隣佑即公同舉報到官查究倘有通同窩隱事發一體連坐使文武士民同心固志五相勸勉實實力行賊盜自無容身地方漸次寧謐享無事之福非淺鮮矣

事關清查保甲事理擬合詳請伏候憲裁批示庶便分委清查仍刊示通行曉諭可也謹將防守事宜開列于後

一保甲以冊籍為憑清查明白印捕官各存一冊鄉約鄉長社長各處名雖不同亦存一冊官及鄉長各自備造不許偏累保長仍照例十戶編為一牌其牌內有搬移去來人戶房主須先知會甲長甲長知會鄉長鄉長即便登記改正明白每月初一日總造一冊送官照依稽查改正毋得因循錯亂隱弊藏奸查究未便

一防守務在夜巡靜聽凡盜賊行劫皆乘不備或幾牌之中酌量地方街道輪流每夜幾人週圍傳籌聞有賊警即鳴鑼為號合村齊集救護擒拿毋致漏脫

一防守須置備器械匪人自持兵仗行兇居民豈能徒手禦敵須每戶各備堅利器械明註保甲冊內以便查考以防不虞不許虛應故事

一防守須修整柵欄禁止夜行定更之後即便封鎖其柵內富貴貧賤一體酌派輪流看守如有官司及公差往來看守之人即細加盤詰驗有印牌燈火憑據方許開放倘有一等克惡強闖柵欄肆行作踐者

報官重究

一防守如柵欄已設器械已備夜巡有人猶要聯絡
救應總要衆家齊心倘一家有事鑼聲所到之處或
鄉長甲長帶領多人分撥幾路或防守本村或飛集
救護或要路埋伏或暗跟去向或截賊歸路有能擒
活賊一名爲首者給賞大銀牌一百綵紅一疋給照
免門面差二年殺賊一名者賞銀牌一面給照免門
差一年倘有大功臨時酌量加賞如隣佑隣村聞聲
不速救護者該地鄉長保長公議作何行罰作何責
備抗違不遵者卽稟官拿該地鄉長甲長重責枷號

示儆鄉村地方如遇真賊准放鎗炮此後不許輕易
鳴鑼放炮如遇吉凶事必預先告白隣村方許暫用

民事九 恤商民

禁官價

淮揚
濟撫蔡魁吾 諱士英
錦州人

爲嚴禁官價買物以蘇商困事照得官價剝民取用
行戶爲官方第一陋規爲俗吏最下行徑夫取非其
有名之曰盜凡民稍知自愛者所不屑爲也不意位
居民士者偏屑爲之夫作朝廷命官而與市井小民
爭競刀錐之末較量尺寸之微其薄于自待固無足
論不幾羞朝廷而辱衣冠之士哉本部院下車之初

卽行首先禁革淮陰近地凜凜奉行未有復肆漁獵者但本部院時行密訪備知維揚一帶此風甚熾不待緞舖諸商呈訴而始悉其弊也乃緞舖之困苦爲尤甚近時絲價高昂數倍往昔而蟒緞織金等物其價更復不貲常有官買一物而行戶賠至數金以至十數餘金者况所用不止一疋所取不止一官商力幾何其能堪此更可憾者官之谿壑易盈役之饕餮難厭或假公以濟私或借一而冒十試思出身加民前程不薄俸薪所入儘足養廉何至因此纖微而賈怨賈害美利則盡享之惡名則已當之愚而不才未

有若此之甚者也更有不發官票徑行擅取真假難辨多寡無憑不發則恐或逢官怒發之則疑白被役侵此中奸弊更無窮極至於公館舖設奉旨禁革是何衙門敢復巧取以上種種貪暴陋規合行禁飭爲此示仰各該衙門官吏人等知悉此後一切日用諸物俱照民間時價公平交易敢有復持一票復遣一差有所取用或致短少以至假舖設借用等名色及無票口取等項許諸受害舖戶或赴本部院告理或扭稟所在官司以憑轉報施行官叅役處決不姑貸

恤商民

陝西賈膠侯諱廣復山西人

為嚴禁科累行戶以恤商民事照得士人一行作吏食祿于官即宜吾鼎自愛勿競刀錐之末勿效市井之為非特大體宜然即此規模之小大規其品行之高卑與前程之遠近從未有見小利而能成大事者也本部院歷任中外剔歷有年從未知以官票索取一物此遠近行戶所共知自入秦疆以來凡日用米麵蔬薪等項登註紅簿現給紋值較之平價寧浮無短且素性澹泊不以口腹累人所用一切器皿俱從儉約幾與太古同風本部院躬行若此凡爾其事諸

員應有同志乃近訪撫屬各衙門頗尚奢靡不崇節儉且其慷慨自奉者又多不費已囊強半出于民力動發官票擾民濫用行戶支應舞文胥役指少派多畏法閭閻將無作有及至遷延歲月之久所發價值多與蠹役中分甚至有候領無期分文不給者復有揆換潮銀鉛多鏹少名為全給而實不得其半者種種情實實難枚舉是何異于窠人國門之外者乎獨不思商民挾持資本背井離鄉不過冀覓蠅頭小利豈意終年奔走祇為貪污作馬牛名為官取實同盜劫興言及此殊覺痛心合行嚴飭為此示仰撫屬大

小各衙門知悉嗣後務宜洗腸滌胃革舊從新勿為壘斷之渠魁勿作商民之大盜勿取他人之物而自鳴慷慨勿以口腹之累而致悞功名凡日用諸物俱照本部院所發足色紋銀照依時價平買不許仍立行戶官價等名色擅出硃票虧短價值倘有仍前見小昧大陽奉陰違者商民有口斷難掩飾本部院一有見聞輒登白簡功令森嚴勿以身家嘗試可也

除行戶

漢中會道扶諱王孫司李嘉興人

為嚴除行戶請憲勒石永禁以甦殘黎事竊照秦地貧苦民生陘隘由來舊矣漢南困阨較他屬為尤甚

經兵燹者凡四五次供芻糗者幾二十年筋力已盡流移接踵皮骨僅存呼號無路今者重兵南徙休息可期力農作苦已安耕田鑿井之常而市井闐闐反有日衰之勢則以行戶之累未除也夫行戶之所若者一曰取用二曰借用取用者空票支取另立官價候領無期兼多扣除即能給發不及什五借用者齋物伺候既稽時日及至領歸遺失更多雖云補價不過口惠甚至四境不產者逼其轉買登臨難至者督其搬運行商失業坐賈破家家愁巷戚比比而是所由然者蓋緣兵興以來供應稠疊相沿成習勢不能



禁今漢中文武大小衙門不及十處咸荷地方之責
均有恤民之心顧此殘黎呻吟未息誠不忍以行戶
重累小民况煌煌憲禁凜遵已久但及今不更加申
飭昭示來茲則從前積弊恐絕而復續今據某等連
名呈請本廳竊謂官之于民猶父母之子子方顛
連為父母者必求所以安全之不能安全而反加困
苦安用此父母者為今漢中之民亦極顛連矣裁革
行戶誠安全之一端也請自今以後文武大小各衙
門一切服食器具俱令現銀平價易買不許另立官
價短少時值至公私宴會俱自辦用不許着行戶安
置鋪設及借用各項等物其行戶名色一概革除如
有仍蹈前弊者或係訪聞或經告發許不時揭報立
賜泰處仍乞嚴飭漢中各屬勒石永禁則閩南赤子
有更生之望矣

諭行戶

甘肅 劉耀薇 實定人 巡撫

為申飭行價以蘇商困事照得本院撫綏兩河駐節
涼城無論商是民皆吾赤子自下車以來呂擊地
方窮苦時時軫恤在懷期登豐裕近察得本院衙門
一應買辦簿內以用各物雖見發銀兩毫不虧欠其
間開註價銀俱較時值短少循倣從前陋規名曰官

價但貨物消長不定價自隨時低昂豈可官買一價而民買又一價也况爾等商賈資本微薄經年累月跋涉艱辛所獲蠅利能有幾何而可堪此賠累乎合行出示申飭為示仰各行戶人等知悉自後凡本部院衙門一應簿內註買各物俱依時值市價于所買物件之下許行戶親筆開註銀錢若干以便如數給發如有買辦人役執筆硬填乘機冒破以至多開少給扣剋肥已者查出定行重處不貸

諭行戶

本縣下車一月商賈浸七乎日來街市改寂為喧貨

肇昌白九峯山西人

物從無而有頗為邑人稱慶但恐衙官不能久守吾禁又恐買辦各役私賒私騙勢必復驅而去之故再示行戶凡有此項不時喊稟拏究不貸

懸鑼察弊事

衡州王望如諱仕雲在寧人

為申明嚴禁濫取行戶事照得撫部軫念行戶嚴禁濫取已經大張曉諭又命本廳刊刻小票分給各舍懸掛于門法至善也豈期衙門吏胥奉公守法者雖多而陽奉陰違者不少嗟此商賈其何以堪堂堂憲示等于弁髦成何法紀今本廳專為此事特于大門之外設有銅鑼一面爾行戶人等遇有各衙門人役



檀取物件者卽刻赴廳鳴鑼隨將各役申解撫部輕
則懲處本役重則題奏本官特示

民事十 飭土豪

禁飭土豪

霸易 張壺陽 高平人

為嚴禁土豪以安良善事照得地方大害除貪官汚
吏之外卽屬地棍土豪蓋因此輩奸徒雖立衙門之
外實能陰竊官吏之權巧逢貪汚之意伺其嗜好之
所在或以急公奉上為名或以頌德建碑為餌浚良
民之膏血獻若輩之懇懇官吏一墮術中小民難逃
網外由此而武斷鄉曲以肆咆哮橫行城市以鳴無

懼小則起詞滅訟操縱得以自如大則窩竊實訪身
家在其掌握小民含冤而不敢訴卽經控告而線索
有盡未有不引火自焚而注水加溺者故此輩一日
不除良民一日不能安業本道奉三尺撫循茲士豺
狼固所當除而狐狸亦須急問為此示仰道屬士民
人等知悉凡有前項兇徒怙惡不悛仍前作威作福
殘害善良者許被害人等不時抱牌控告以憑盡法
重處倘該管有司不能覺察而揭報于前以致被人
告發而審實于後者卽為若輩穿鼻之人定以養惡
縱奸一併揭究各宜猛省勿致自誤

嚴禁違

旨背律等事

青州

周棟園

諱亮公 祥符人

照得典舖之設原卽有無相通緩急相濟之遺意爲
 法甚善本道宦轍所至閱歷頗多大約大典取利不
 過分半及二分而止卽小當亦利不過三分贖必按
 月滿月之後再踰五日方作兩月算卽踰四日仍算
 一月此天下之通例也獨爾青州不然利則四分以
 至六七分甚有至八分者更于票上不寫月息若干
 以便恣意橫索及于取贖之期限更爲迫促如此
 月二十五日來當至下月初五來贖不過十日耳

以前月之五日作一月復以後月之五日作一月十
 日之內而收人兩月利錢又皆八分起息此較明火
 執仗劫掠取財者豈有兩樣爾等試思爾雖富足豈
 能常富人雖貧窮未必常窮何不趁此家計殷實做
 些好事貽爾子孫何故貪取一時重利斂取眾怨令
 人敢怒而不敢言爾看世上做經商買賣之人那箇
 不起早睡晚登山涉水衝寒冒暑旣憂消折復畏盜
 賊但得三分利息安穩到家卽父子妻孥舉家歡慶
 矣獨爾等不須奔走道路不必拋棄眷屬不必侵犯
 霜露不受意外驚恐不憂絲毫折耗安安穩穩高坐
 資治通鑑卷一百一十三

在家收享成利已是萬分得計何苦更作此利已損
人之事爾看苛取重利之典舖後來子孫幾箇得昌
盛的况放債取利不許過三分久奉 嚴旨申飭而
大清律內開載凡典當財物每月取利並不得過三
分重者坐贓論罪誰敢不遵自干法網爾輩之得
以藉口者有二曰辦納 國課也口答應官府也爾
等試思 國課幾何每年不過五兩耳凡開當舖者
多則盈萬少則數千今以五兩交 國課以三分起
息計之不過費爾十五兩本錢之利耳于爾何損辟
如買田一頃所收不過百石和寒暑雨男耕女饁受

恐亦未
必官官
如此

盡多少辛勤自交納錢糧而外所有幾一週水旱
卽顆粒無收誰敢不變產完課試與爾輩較之誰逸
誰勞誰豐誰嗇至于答應官府從前陋規原可痛恨
然未必官官如此本道自下車以來一年有餘曾取
當舖中一絲一紵否曾借用當舖中一件什物否本
道既自審無愧便可推已及人我今爲爾等嚴禁所
屬不許沿習舊規取用一物仍請之爾輩勒石永禁
則爾輩可以無累亦不得藉口累人矣乃又有一事
不便于爾輩者曰當錢錢價自有一定無奈奸民往
往變幻低昂假如當出去時時價一兩一串及取贖

時奸民或低爲八錢一串或七錢一串取贖之時錢數既不便加增錢本遂不免虧損此爾輩之所以通盤打算借重利以補微耗也今亦爲爾等立法凡當錢時卽于票上寫明照時值銀若干俟來贖時但照出當之原價不照取贖之時值則此項虧損之病去矣爾輩既除其害復去其病便當取出良心各做公道生涯勿作欺天勾當自出示之後止許三分起息不得加增毫釐按日計月不得任意那償本道不時採訪如有不遵立拿重究決不姑貸其有見示之後收舖不開或虛開舖面以無銀可當爲辭者此等皆

係好徒本道不時訪出一體懲究其已前當過之物

自今日以後來贖者亦只許索三分之利不許多索

分文總之本道身在地方富民貧民皆吾赤子豈忍

偏枯興利除害出自本心豈容姑息爾輩若欲享利

先須避害急急警醒勿貽後悔

蔡遠例放債

開西守憲李含馨 薛月桂

照得鳳屬兵燹之餘百姓豈能家給人足借債放債情出通融于理亦無妨害然銀一兩爲利不過三分穀一石爲利不過三升要使與者受者各得其平斯爲天理良心之至當本道下車以來訪得有等貪詐

之徒借放債為名而遂其魚肉鄉民之實加一加二利上盤利年終合算數倍有餘是子大于母而指浮于臂矣有是理乎窮民無力償還即折其子女準其房產豈止惡浮於虎狼亦且行同于賊盜爾等試思放債圖利無非為身家子孫計耳如此忍心害理刻剝成家他日子孫豈能常享其福本道意在易俗移風不得不先為告誡合行出示禁諭為此示仰一切軍民人等知悉以後借債放債止以三分起息為準放者不得苛索于外借者不得虧損于中如有貪怯不悛仍蹈前轍者一經告發罪有所歸要知貪即致

貧之由而利乃叢害之藪也慎之誠之

民事補戶口

蠲豁丁丁示

江西 巡撫 蔡魁 吾 諱上英 錦州人

為編審事為照編審人丁計口出賦未有不求足額者本部院念江省編戶疊遭兵燹鋒鏑逃亡約去過半日擊心傷不忍以缺額之丁口重累見在之子遺代為賄納故據缺扣減特疏為爾百姓請 命業蒙

內部議覆

皇上洪恩俞允照數蠲豁計免通省男婦共五十九萬四千九百有零除經行令藩司轉行所屬遵照外

大清會典事例卷十三

兵

木子園

合再出示曉諭為此示仰士民人等知悉凡前所報
逃亡老弱丁口俱各遵奉 恩豁扣徵錢糧以廣
皇恩浩蕩毋負本部院矜恤至意敢有好胥豪里不
為除筭槩行混徵者許諸色人等據實指名首告以
憑拿究不貸。

斬放火克犯後曉諭軍民示

江南陳司貞 諱秉直 泉憲 海城人

為曉諭事照得康熙十年五六月間二戶長龔二等
身帶火器乘機放火燒燬居民房屋希圖搶劫資財
當獲審實定擬斬罪詳院具題部覆奉 旨依擬監

候在案值今秋審因其情罪重大本司會詳應決蒙
督撫部院會題奉 旨准到部咨于本月二十一日

此三十
年來江
南第一
決事非
公不能
為之

牌行到司隨行該處將龔二左大王二等押赴古曹
處斬訖查刑人于市與眾共棄理合示知為此示仰
軍民諸色人等知悉奸宄伏誅諒解情之共快羣冤
駢首昭 國法之無私從此惡人胆落務宜革面革
心良善安生永保無咎無災之福矣特示

禁搶火示

江南陳司貞 諱秉直 泉憲 海城人

為嚴禁藉火搶奪以昭 國法事照得居民失火本
係天災當此之時烈焰飛騰心胆碎裂屋既付之灰

江蘇火
災不過

偶然一發公衙軫念民生若此矧杭載為風火不絕之鄉公又處得為之地乎救民水火之中吾知不遺餘力
 燼所有衣囊什物尚可搬移寄頓留資一線餘生是以倉皇失措取東棄西顧此忘彼此等急狀苦情本司無不深悉乃有一等極惡奸徒非但不肯救援又且幸災樂禍乘機奪搶如此巨惡蛇蝎為心比盜猶甚合行嚴禁為此示仰百姓人等知悉嗣後設有火災本司即令南北二捕官及上江二縣親行督救四圍巡視使爾百姓從容搬運如有前項奸徒乘機搶奪者當即之拿追究以放火搶劫之大辟罪之龔二左大等榜樣具在駢斬于市共睹共聞非止空言恐嚇而已也爾百姓亦宜協力擒拿無使冤脫特示

誠諭出洋愚民示

江南陳司貞 海城人

為愚民射利出洋貪癡繼法曉諭喚醒事照得爾商民持本貿易離鄉背井棄父母拋妻子止不過為肥家計耳然何地不可往來何省不可貿易而必欲冒險出洋甘心罹法乎且人窮通有命不可強求如命運亨通雖本少貨微就近興販一朝泰遇亦能發積如命運不通雖百計營求非遭風覆舟即遇盜被劫何況違禁偷渡乘舟于汪洋大海之中一旦被獲自蹈于傾家隕命之罪乎本司蒞任方及一載而審閱洋犯不下數起其中雖有被誣妄拿之案而人貨兩



獲者。如俞黑子。方景之張老五。楊子元。唐大秦元等。審勘之時。亦有本省愚民。亦有各省貪賈。皆係貪曠亡命之徒。代為爾等思之。厚利既不能獲。而身首喪于異鄉。父母妻子。今生不能團聚。仍將家財查沒入官。甚為汝等追悔。甚為汝等憐惜。然本司雖有惻然之心。其如國法森嚴。不能為汝等寬宥。惟有勸勉喚醒。以杜將來。毋致愚民再罹重法。為此示仰百姓商賈人等知悉。務須仰遵本司苦口之言。各安本分。生理不得貪癡妄作。再想出洋。以致身家莫保。云云。猛醒。猛醒。須至示者。

靈隱禁約示

錢塘 邑宰 梁治涇 韓允植 真定人

照得靈隱寺肇自赤烏之歲。雙樹依然。傳來白社之宗。五花相繼。化城不遠。轉金粟于閻浮。鸞嶺非遙。遍璇宮于法界。此誠清淨道場。自合莊嚴整肅。近聞有等寺房緇流。不思五戒。時犯六條。逐逐檀那。妄希佛面之金。耽耽善信。不飽如來之粟。雖累蒙憲禁。仍借募化名色。混擾大殿。不思沿門乞食。祇堪舍衛城中。徧地鋪金。只合給孤圓裏。和尚之沽泥。帶絮。莫此為癡法。席之托鉢。挂瓢。方之較甚。除現奉署臬憲。糧道劉巖飭外。為此合再示仰本寺方丈。勒石永禁。如有

前項僧徒貪心不改更亂清規許禪堂住持指名赴稟以憑拿解各憲究治驅逐不貸

資治新書二集卷之十四目次

告示部

荒政一 救災

捕蝗示

捕虎示

催船救難民

荒政二 賑饑

賑粥示

寒月賑貧示

賑養難民示

擬作

王介公

王憲章

姚綬菴

徐德夫

高禹公

分別周給等事

林武陵

保恤災黎示

佟壽民

荒政三 疏海禁

諭瓊州兵民

盧山十

荒政四 禁販人口

禁別省奸民販賣人口

盧山斗

禁買饑民子女

姚繼蕃

荒政五 勸周貧佃

救荒第二示

顧南樓

荒政六 禁索私債

救荒第一示

顧南樓

荒政七 祈晴禱雨

祈雨示

姚繼蕃

祈求雨澤事

蔡魁吾

荒政八 勸民修省弭災

勸諭土民齊戒

顧南樓

風俗一 禁尚奢靡

禁娼館

周文夏

風俗二 禁止遊觀

綢繆未雨事

胡掌綸

風俗三 禁尚邪教

辟邪教

賈膠侯

風俗四 禁賭博

禁賭博示

李含馨

風俗五 誠輕生

立法勸諭等事

俞覲如

勸諭愚民等事

顧南樓

風俗六 勸理樞

募勸掩骼瘞骸

黃鳴駿

風俗七 禁牌

禁典妻女

姚繼菴

風俗八 禁銅婢

禁止銅婢不婚等事

羅鏡菴

風俗九 禁造詛言

諭惠潮二屬

李包閣

風俗十 禁屠牛犬

通行各屬牌

嚴禁私宰

嚴禁宰牛

告示 新增

禁剪竊示 以下入風俗十

禁喇棍叫好

禁宰耕牛 入風俗十

禁把持婚喪

禁破喪勒詐

禁置棍打降

湖上笠翁李 漁蒐輯 婿沈心友伯訂

荒政一 救災

捕蝗示 擬作

照得本府居官不職致令蝗旱為災除齊虔禱作
文以告上帝求速賜異常時雨陰辟蟲患外今查往
古載籍但遇蝗蝻為崇祈禱不滅即行捕除本府切
禱鬼神已經半月不見其少反覺滋多是蝗神不忍
自滅其種而欲假手于人也已經申請各上臺准以
常平義倉所貯米麥散為捕蝗之資許爾民不論男



婦長幼有能捕蝗一斗者給糧一升是以賑饑恤貧之意即寓于救災捍患之中既為爾民除害復為爾民療饑想亦人人樂從而奔趨恐後者也今將捕蝗法則條列于左其各遵行無忽

計開

一蝗在麥田禾稼深草中者每日侵晨盡聚草稍食露體重不能飛躍宜用笊箕掃帚之類左右抄掠傾入布袋或蒸或焙或澆以沸湯或掘坑焚火傾入其中若只瘞埋隔宿多能穴地而出不可不知

一蝗最難死初生如蟻之時若用竹木器攻擊非惟不斃且易損田禾莫若用舊皮鞋底或草鞋舊鞋之類蹲地擱搭即應手而斃且皮底為物狹小不損苗稼

一蝗有在平地者即于曠野掘坑宜長宜濶兩旁用板及門扇接連八字鋪擺眾人手執木枝發喊趕逐驅之入坑又於對坑用掃帚十數把俟有跳躍而上者復掃之使下覆以乾草發火焚之先燃列火於坑然後趕入詩經所謂秉畀炎火是也古人亦知瘞埋可以復出故以火治之事不師古鮮克有濟誠哉是

言

捕虎示

福建 王介公 譚道新 濟南人

照得某縣狼虎甚多各處傷人深可憫恤村民不肯撲滅皆因營弁衙役交相勒索皮骨等項使民畏人甚於畏虎任其流毒斂手坐視合行嚴禁為此票仰本縣官吏文到即便曉諭百姓遇有虎狼務要奮勇撲滅如有營弁衙役勒索皮骨者許捉虎之人赴道陳告定行申究

僱船救難民

和州 王憲章 譚執中 廣寧人

為捐俸買舟急救難民事照得洪水為災民房漂沒此係非常天變本廳正切杞人之憂恐巨浸之為害

王君一 州佐耳 聞其風 裁異常 不畏強 禦且能 判事如 神民皆 誣領乎 揭此示 示人見 服官無 論大小 但有善 政即傳

當不止于此也頃聞地方報呈知片刻之間水長數尺城外男婦小兒現有漂去無踪者則轉瞬之間又不知作何狀矣遇此非常大難而不急為援手何以官為但思救民水中必需般隻船隻若待出票催拿勢必遷延時刻待船隻拿齊之後民已溺死無算矣今本廳除捐俸之外復與衣裘換得制錢若干萬照民價僱募不減分文爾船戶人等有願得現錢兼做好事者速來領價如飛往救難民務須盡心竭力放出生平手段來救活一人爾有一分陰功勿作尋常生意做如有衙役人等當堂給發現錢皆後索分使

用者許爾等大聲喊稟以憑重究不貸

荒政二賑饑

賑粥示

瓊州姚綏菴 諱士升 司李 江陵人

上失其道黎民咀饑不但米石玉金即今椰榔各樹
尖芽摘食殆盡嗟我瓊民其何能孑遺耶此皆救民
者之罪也本廳力請于上多方募助得米若干石可
克二千人兩月有半之粥自今日始設廠晏公廟傍
前後置密棚棚內廚房六間官蓬三間沿棚置鹿角
欄杆兩蓬周匝欄內置大水缸數十口盛粥欄外站
立饑民欄上雜置監菜等物先一日本廳親自驗米

給做工人次日黎明煮粥辰刻擊鑼一回本廳到廠
饑民齊集廟前本廳親驗其中有瞽者跛者病者老
不能健行者皆坐廟外本廳親督各役先給四項人
各粥二升鉢具官備少壯男女皆進廟中四項去訖
擊鑼二回本廳親詣廟前點名給籤先女後男人持
一籤本廳復回廠中手執瓢杓督同各役隔欄給粥
人各二升小兒懷抱各給一升鉢具官備籤盡照前
再散監菜任意取食散訖擊鑼三回本廳歸署本廳
每月初到謁神四拜向饑民八叩首散訖再向饑民
八叩首以謝不職之愆也廟內多焚蒼朮防疫氣也

數頂內
無大不
該無微
不悉使
公得宰
天下有
如是粥

資治新書二集

粥子園

先散老癯罷疾懼擠跌也做工人即用饑民食力便
也自本廳下至門皂輿夫皆不許別帶飲食即同用
水釘內剩粥期潔淨不致米糙污穢也小兒懷抱人
給一升彼利在粥不鬻子也有餘方給獄囚先無罪
後有罪也凡生員暨少婦處女一次後即逐日照粥
給米不令再赴厥尊斯文養廉恥不欲以一日之饑
屑衣冠之體決內外之防也嚴禁兵丁及商旅閒人
不許入厥慮其誘我饑民鬻子女使化離也在遠未
即到者分差各役持米迎之在途未即到者持粥迎
之願守家者量給米付之其殍于道路與斃于室隅

到此纔
完賑事
具見實
心

從來罪
已多屬
實言此
獨披肝
瀝髓

者庶幾寡矣麥秋將至量道里遠近各分水作路食
遣之行百里者半九十兩月之粥不能達數日之程
猶之乎未生也吁嗟乎為人上者先之不能變理災
疹俾無水旱饑饉次之不能薄歛省徭使民婦子相
養迺至無食顛連携扶老弱奔走道路沾糜糊腹拋
面澁甲千百為群擁擠踣側為人上者白顧清夜何
以為心雖使兩月有餘同飽缸中之粥其取擱頭之
益為人上者亦愧死矣尚何顏以對此千百之饑民
哉爾饑民姑相與寬此賑厥一官俾汗顏而終此事
則幸之幸也謹示

資治新書二集卷十四

五

粥子園

寒月賑貧示

江寧太守徐德夫嘉興人

為查賑貧民事照得本府每出街衢見有殘疾男婦呼天乞食當此寒月意甚憐之又有一種襤褸之人並無殘疾原是漢子儘可營生作活而甘心為此等乞憐之人此時甘為乞憐之人將來必做不良之事又聞有等強硬花子結幫成羣動向開店人家頓錢勒索此即強盜之流互也本府叨為人牧無告者不忍無賴者難恕已經行令上元縣王簿逐坊備查攢造花名到府除原係飯堂食糧者既沾皇恩許無重賑聽其乞食姑不禁治其無疾漢子不務生理不足

憫恤亦不賑外止有無糧殘疾貧民本府雖當新任設處最難而親見其苦安忍坐視偶江寧縣解到俸給倉米似可暫借以待異日設法補還除一同行文着令准放寬廠處所外為此示仰後開貧民俱限某日午時各携小袋齊集貢院內聽候本府親臨給賑聊過寒月其無名者不許混擾如有前項撒賴奸徒處于丐盜之間者許被害扭赴本府從重責治

賑養難民示

寶坻縣令高寓公嘉興人

照得本縣屢次往劫敵營救出難民難婦若干名口除屬境內者俱給帖發歸本里外其在別府州縣及



山東府屬者必俟敵退解嚴津溢無阻始可遣發還鄉昨已安插空房寺院等處諭令暫居今恐天氣漸暑鬱蒸致疾不但預籌賑養之資兼為曲防災疫之計行兼而有之給其蔬而聖賢者矣先令食粥三日然後煮飯蓋恐久饑之人反以驟飽致疾也其煮粥煮飯煮菜悉取舊鍋備用萬一不足即將新鍋向民間換取舊者若以未經炊爨之鍋煮粥脩賑饑民食之未有不立斃者人命重大爾衙門值事人等悉體本縣好生之意恪恭辦事勿以草率懶惰而害生民其有染疾抱患者即報本縣以便撥醫給藥調治總期為人為徹必至生還而後已也

分別周急以彰優禮事

泰安林武陵江寧人

照得告賑諸生螢燈苦志雪案埋頭子夜青燈曾見絕編研露丁年黃卷未獲衣錦梯雲既無負郭之田難免懸鵲之結雖斷蠶晝粥菜羹滋味堪嘗而雀食鼠糧袖底清風難買當茲歲歉兼值年終恒念床頭金盡壯士無顏詎不瓶之罄矣室人交謫本縣優禮斯文觸處動念豈當賑濟便爾慳予自後諸生不必同饑民領穀但赴儒學報名以憑照冊發賑務與齊民有別益雞鶴原不同羣鴛鴦豈容其棧今汲西江以活鮒庶使點額之顏不淪菜色後破巨浪以駕鯨

幸將剝膚之痛轉念蒼華特示

資治新書二集卷十四

諭瓊州兵民

廣東總督 盧山斗 諱崇峻 遼東人

為便宜救荒以全一郡生靈事照得粵東自禁海之後商販船隻久矣不通 功令如此誰敢隕越但今瓊州一府孤懸海外去歲連遭颶風霪雨禾苗豆黍盡皆漂沒民不聊生又以海禁森嚴不敢出疆告糶合郡兵民向則嗷嗷待哺今且慄慄待斃矣該地鎮道等官各以時事可危紛紛代為請命又且情詞迫切非口且文不能苟延即日死亡今已叠見本部院

事與汲長孺同而漢文之中少此一非

批閱至此不覺寒心兵民饑困若是而不早為區處直待臨危告急非地方文武之過而誰過歟當斯時也倘疎于禁海之 功令坐視萬姓之危亡為民上者固不當有此忍心害理之事即使飛章入告請與疏通而粵東去京八千餘里若非經時累月豈能獲見 綸音竊恐候至彼時雖有救荒之粟民不得而食之矣然而航海有禁竇盜可憂未經請 旨而遽為開糴矯 詔之罪萬萬難逃是兵民安則本部院危本部院安則兵民危矣與其危數十萬之生命時削邦本之可憂不若危本部院一人明示 國法之

資治新書二集卷十四

八

林子園

精忠卓識並絕千古謂廬山斗先生不與汲長孺並傳者吾不信也

為得也。昨已會同巡撫提督從長計議。幸與本部院綽有同心。今許爾等于瓊州界內。航海而來。本部院給與批文。向米價稍平之處。通行告糴。但須該鎮道估計人口。自某月某日為始。算到新穀登場之日為止。約用糧米若干石。無使不足。亦勿令有餘。填定數目。具由前來。方准照數收買。數外不許濫濫買完之日。仍將船隻編定號數。委的當官兵押送過海。該鎮道照數點收。查無缺少。船隻方與兵民領去。如有假借救饑名色。將米糧運出界外。接濟賊航者。查訪得實。該地兵民與護送官兵及船戶水手人等不分首

從一例處斬。今本部院一面開糴。一面具疏上聞。備

陳愚鹵擅便之罪。靜候

皇

上處分矣。昔汲黯矯制開倉。見亮于漢之武帝。今本部院才術短淺。雖出汲黯之下。而我

皇

上仁慈愷悌。則更出漢武帝上。或者幸以恩宥。亦未可知。爾兵民人等。各遵所天。無為本部院過慮可也。特示

荒政四禁。助人口

禁別省奸民販買人口

廣東總督廬山斗

為嚴禁販賣人口。以圖生聚事。照得粵東一省自海

谷台新書二集卷十四

九

林子園

氣不靖以來父子流離夫妻折散者不可勝數其間
有通海窩賊自陷身家以致官兵搜勦捕獲入官者
此等孽由自作無可矜憐外此則饑寒自鬻者有之
營債逼售者有之錢糧迫索者有之詞訟陷賣者有
之近又爲遷海失業無計資生以致夫賣其妻父鬻
其女藥骨肉以延殘喘忍耻辱而救天親者其顛連
困苦之情尤可憫惻然使以粵東婦女仍賣粵東此
時雖暫拋離猶望于否極泰來之後或有珠還鏡合
之時即使不能尙可希圖見面不致音耗難聞一入
于販賣奸徒之手則天南地北任其所之況有貪圖

重價逼賣爲娼而婦女忍辱不甘以致投河自縊者
比比而是是女子越境卽爲生死榮辱之關凡有保
民之責者不可不加嚴而致頓也况關隘稽查不密
卽多拐騙之徒地方然詰失嚴必來窩匿之輩是官
長不究與販卽招拐招騙之媒也合行揭示曉諭爲
此示仰督屬文武職官暨紳衿兵民人等知悉以後
凡有別省奸徒潛匿境內收買婦女人口及本省地
棍代作牽頭希圖勾引出界者許諸色人等稽訪得
實密報所在官司擒拿重究將婦女給還賣主若能
緝獲真正拐賊一名送官審實者官給賞銀十兩仍

令親屬謝銀五兩拐賊立斃杖下若係果爲饑寒所迫情愿變賣糊口者許將賣契送官候其驗實用印方准過門收養然亦止許賣在本省不許攜帶出境如無印照而私行貿易及帶婦女出疆者卽係來歷不明許親屬及捕役人等擒拿首告所在官司務行重處本部院欲使離散之民復圖生聚故爲計念及此官民人等俱各遵行毋忽。

保卹災黎示

江南 謹彭年
爲憲 廣寧人

爲特飭保卹災黎以重民命事照得天災流行無代不有雖閩氣數然特地方官實心保護庶幾得望生全本司從前歷任自州牧而郡守所在亦時以災荒見告無不率先勸賑安插流移日以此爲經營真有視民饑傷如己饑傷之念卽今蒞任吳藩凡聞每處災荒卽便捐銀捐米倡濟與夫每年發賑監倉收算官骸倡設藥局凡諸關切民命之事靡不急急爲之特是額俸有限恒苦不能遍施而又以身司督催外省本省協餉兵餉俱關緊急軍需不敢稍事姑息近據所屬蘇松淮揚徐地方紛紛瀝陳水災不已旣而淮徐等處復又慘罹地震水決種種奇凶民之饑而灰漂沒覆壓而灰者或見之繪圖或得諸目擊種種

流離慘傷殊切。除一面捐發俸銀就近于蘇屬糴買米麥裝運各府州分發賑濟外。第思饑民孔多一餐之惠難于遍及。不若該地方官共推本司軫恤之心。交相勸告以成善舉。如紳宦可以勸助。當不惜為募。緣商民願于捐輸。當不吝其獎勵。倉穀現有積貯。一面動賑。一面造冊報銷。俊秀有力。援納一面。救濟一面。取結詳送。以至房屋漂流之戶。或構草搭厰。可以暫棲。水流沉溺之屍。或義塚荒並。可以收掩。使民之生者得以幸存。死者得以歸土。如是則散者復聚。何難變荒土為樂郊。至于凡在地方一切省民財惜民力之事。誠得有司在在留心。其為不費之惠。當止無窮也。獨是地丁錢糧。今卽以十分災荒人告定例。止蠲三分餘七分。尚在應徵。有司查將寔定被災花戶目下卽與炤例停免。不得仍行催追。以致復驚。巡徙。其有原係殷厚。同來收租辦糧之戶。今歲卽罹重災。容有上年餘蓄。仍卽多方勸諭。若其亟公好義。措辦完糧。該縣卽與備造花名文冊。申送本司。卽不憚轉請各臺。特加優獎。以示鼓勵。合卽出示通飭。為此示仰府州縣官吏。查炤飭行事理。卽將該地方被災被傷民人多方率屬勸募賑濟。并有無倉穀可以動

賑有無後秀願甘援納仍將無棲止者設法安插暴
屍骸者酌地掩埋難民錢糧卽與炤例停免急公好
義者加意勸輸上不悞軍國下不病民生全在爾
地方宜寔寔奉行本司一面察訪如果撫卹有方安
插得所勸捐勸輸恩義兼至者立即明刻愛民實政
以卓異保舉揭薦各臺特疏題請如不關心民瘼
及奉催提緊餉唯圖藉口卸責本司定將膜視民命
玩違職名密揭開報勸懲具在其各慎思無恐

荒政五 勸周貧佃

救荒第二示

六合顧南樓 諱高嘉 縣人

爲勸週貧佃以固本業事照得田主之與佃戶相依
爲命者也歲豐則均享其利歲歉則並罹其殃然豐
歲多而歉歲少惟賴有無相通患難相恤故雖遇凶
年猶可轉禍爲福以待其稔此情理所必然也目今
遍野飛蝗夏秋無雨禾苗絕望籩豆不登除一二不
罹旱蝗地方外其餘災傷處所滿目荒蕪塵生釜甑
夫妻父子束手哀號本縣目擊心傷救荒無策再四
思維爲爾貧農籌畫饑寒所迫勢必流亡但今各處
皆荒孰爲樂土故鄉生長之地親戚聚居尙且無可
資生一旦流落異鄉舉目無親無房可棲無事可做

憑何術以養生其為死亡一也况當 功令森嚴面
生可疑之人到處盤詰卽有熟識在彼自救不服安
肯容留是爾民一離故鄉其低俯困苦之狀更有不
可勝言者也不若株守阡陌苦覓升斗苟延旦夕轉
盼金風肅殺蝗絕雨滋五種二麥以取桑榆之獲自
然苦盡甘來室家如故然無米之炊不能枵腹而待
此則爾各業主切膚之痛亟宜多方週恤自為為人
以圖後効極知時值災後下絕廩庾上賠 國課有
產之家亦苦不足然此時不為救濟倘佃戶逃亡無
人耕種久遠之業一旦拋荒將來賠累無時底止豈
非計小而遺大舍本而務末者乎為此示諭概縣軍
民人等凡窮佃三口以上各業主借米一石五口以
上借米二石其有好義多與者不在此列雖不能計
日受餐亦可少資餽粥令其別為營運以俟麥秋其
佃戶之稍稍溫飽可以自給者亦不在此列如此則
業主保其恒產佃戶安其室廬所謂人心既固天不
能災衆志成城蝗亦退舍非一舉而兩得之事哉示
後如有退田退牛等事卽以惰農之法懲之幸各盡
血誠交相慰勉慎毋自悞以致噬臍

荒政六 禁索私債

救荒第一示

六合 顧南樓 諱高嘉 縣尹 秀水人

為勸論緩徵私債以甦荒困事照得民間稱貸原以濟緩急通有無也但歲當豐稔則並權子母而有餘時值凶荒則微較錙銖而不足惟是因時斟酌舒疾令宜斯見仁人君子之用心耳目今天時亢旱十室九空饑饉流亡載道朝夕之謀尙虞不給賦稅之苦甚於剝膚安得餘貲以償宿負惟有稍寬歲月以俟有秋則名實兼收利義兩得如或為富不仁惟利是視不能救災恤患逼人剝肉醫瘡驅之溝瀆殆為逃亡民獨何事堪此重困為此示仰闔縣軍民人等知悉一應舊逋宿欠槩行停止不許追索俟天意回祥歲禾稍熟總計本息一併取償倘昌利不遵立拿懲究本縣薑桂性成不畏強禦卽

朝廷正供錢糧尙且不避斧鉞立懇上臺暫停徵比何有于豪強之私債乎勿逐蠅頭致干法紀至于欠債窮民亦宜感茲義舉無負本心稍俟有收卽當完楚不得以本縣告示藉口便想賴過今生若到該債之日恃刁不還被人告發者本縣卽當以爾來生果報現之今生嚴追痛比之下非復人形與變牛變馬無異也特示

荒政七

祈雨示 二日後大雨
三日迺止

瓊州姚綬菴
江陵人

為祈雨事照得瓊士自正月至今四月不雨本廳晨
隨道府步行詣壇行禮祈請儀文無所不備一月有
餘雷而不雨如閭左向大戶貸錢每日造門但得唯
唯而已本廳憤極再不跟隨行香發願編衣草履步
行烈日中逢廟叩頭日行三十里城內外無廟不到
食粥一盂不扇不蓋薄暮歸卧門扇不帷不席如此
三日倘猶不雨本廳情願與囚同處不雨不出諸色
人等有願隨本廳者自明日始

天不其
尋常若
則部

祈求雨澤事

潛撫蔡懋吾
錦州人

照得時當播種急望甘霖亢旱為災三農束手設壇
致禱往事有祭齊心竭誠於今宜步古人有一善言
而災退舍昔賢行一善政而甘澍如期無事故襲
虛文所願誠心悔過簡刑簿罰潔己愛民有利必興
有害必剔自非省躬刻責無由感格蒼穹如徒粉飾
鋪張何以挽迺 天意本部院為諸司之倡設立六
事期各遵行慎毋玩忽
荒政八 勸民修省強災

勸諭士民齊戒等事

六合顧南樓
高嘉秀水人

照得崇邑凋罷民困已極。自夏及秋。先經螟螣作祟。四野被傷。既又旱魃為災。于巖盡赤。倘使秋成失望。必至饑饉。洊臻貧民轉于溝壑。富室困于輸將。非特本縣之痼瘵。亦合邑切膚之患也。奈珪璧既罄。炎威愈烈。本縣對臨。天日憂心如焚。虔誠齊沐。步禱雲壇。引躬自責。以祈昭格。所有屠酤之禁。從來禁而未止。地方奉行。挨查反開。紫詔法門。無益于物命。而徒累于小民。本縣所不為也。但福善禍淫。天心豈無仁愛。救災恤難。萬姓自有同情。睹此亢陽。深思隱患。誠對昭為之不觀。列珍不能下咽。而猶有飲酒食肉。以為

生涯以所易之數不足飽此章之踏登也訓說及此可謂無幽不燭

樂者非夫矣。本縣誠望爾民之各自為禁。所罰以不。禁禁之者也。為此示仰。概縣士庶軍民人等各宜。祿慮洗心省身。悔過合城。齋戒共挽天災。庶望油然沛然。立見雨珠。而粟倘有匪類。敗群故彰。腥穢此即天之侈民。王法或不及。鬼神斷不爾宥也。眾各觀省。戒之毋忽。

風俗一 禁尙奢靡

禁娼館

湖南 謹季琬 巡按周文夏 宜興人

為嚴革澆風。以清蠹害。以杜亂萌。事照得楚省土曠。民窮。纔出湯火。羽書未息。供應浩繁。解草運糧。跋涉

艱苦本院切切在念每為中夜徬徨何物奸徒某某等乃敢設館停娼牌名歡樂期以煽惑良稚佚蕩傾財所關風化不小蓋泗脯營生從來不廢然以充行道之饑渴則家常茶飯儘堪果腹若紳衿巨室宴會賓朋各有所居必不失足於外凡此娼戲酒館無非蠹役棍徒招搖聚會之藪或包攬詞訟于此地說合調停或結黨朋謀于此地誓盟歃血又或濫差虎役簽票在手勢挾鄉愚恣其飲噉公庭未到曲直未分而一舉箸間已破中人之產矣且演戲聚觀奸良莫辨開場賭博賊盜潛滋儻有神奸不軌竄跡其間為

憂實大除將守武昌道解到犯人某某等量行責懲其娼婦碧霞等速行驅逐外合行出示曉諭為此示仰軍民人等知悉嗣後如有再犯者嚴拏究擬決不輕貸

風俗二 禁止游觀

綱繆未雨事

江寧別駕 胡掌綸 諱世美 宛平人

照得省會繁區五方雜處摩肩擊轂奸醜難稽雖時加警惕尤虞旦夕之或弛即巷肅街澄尙慮拆鈴之未及近見居民以神燈為事戶懸巷設男婦紛紜歌唱管絃夜分不輟供神原屬善舉祈福所以獲災習



良牧之
言才人
之筆補
人循吏
傳中亦
是太史
公得意
文字

久成風本廳固難禁遏竊恐弛玩足以生奸樂極易
以致禍倘重門深迥舉室玩賞于前鼠竊覬覦于後
一旦乘間竊發不幾求福而致禍歟事起于所忽弭
患于未形本廳從地方起見不得不為警醒非不知
樂民之樂而故為此迂腐之言拂民情而撓善事也
合行嚴飭云嗣後止于初更時候點燭一枝燭盡
即止各家婦女不得出閨游玩致妨家業况張燈原
以供神非為耳目之玩且自七月至今燈之趣味諒
已厭足于中亦當止乎其所當止如有仍前玩忽不
遵戒諭止圖耳目之歡同顧地方之患脫有不測地

方總甲及事土人等均罹嚴刑毋謂本廳言之不且

風俗三 禁尙邪教

禁妖僧異服

蘇州署 吳蛟大 諱江偉 郡別駕 定海人

申嚴妖僧異服之禁以維風化事照得焚修證果道
行可師禪衲之中不無高品但能栖心澹泊厭絕奢
靡始可參禪悟道松風桂露時憑布衲携來水月蘆
花不惜芒鞋踏破未有身披艷服態習油腔狂且其
貌而能佛氏其心者也本廳昨偶公出見有遊僧服
綺藕碧蓮紅睥睨道旁自矜綸美本廳見之不勝駭
愕蘇郡固屬巨邦虞山夙稱名邑卽士流百姓尙
資治新書二集 卷十四 十九

靡文爲民上者猶當砥礪頽風使歸醇朴何況緇流
服艷明屬誨淫世道人心雕敝極矣若不極力挽回
後將何底除已往姑不深究外爲此示仰該縣寺院
住持知悉卽便傳諭僧衆恪守清規布服芒鞋僧家
本等稍涉富麗卽是素行不端之人許卽鳴官究逐
倘再隱留一經查發斷不姑饒法紀所在剛斷卽是
慈悲本廳欲作護法韋馱正當在此處着力也特示

辟邪教

河南巡撫賈膠侯

諱漢復山西人

爲嚴禁愚民崇尚邪教以遏亂萌事照得左道異術
惑世誣民爲首竅辟附從流徙載諸新例何等森嚴
無奈愚民不知醒悟殊不思聖賢立教原自明白正
大舍此而外卽爲異端從古以來妖言惑衆之徒邪
道倡亂之輩代不乏人始因無籍之景從遂成燎原
之難撲以致流禍郡縣荼毒生靈草竊一時終膏斧
鑕歷觀往事亦邪教害人之大較也中州川原遼闊
地蕪民貧奉法治生是其本分乃有無知愚民厭常
喜異棄正崇邪皈依白蓮大成皇天等教聞香聚會
男女混雜陽修善事陰構異謀近日許田洧川之變
實起於此若不盡絕根株恐貽將來隱禍又憐此輩
無知皆我赤子安忍不加勸誨但以法繩合行出示

禁諭爲此示抑撫屬軍民人等知悉示後各宜悔悟
改邪歸正附從愚民亦當速行解散各務農業毋得
三五成羣夜聚曉散但看守正者有妻孥生聚之樂
信邪者有死亡流徙之苦轉移只在一念之間苦樂
遂有天淵之隔清夜猛省勿再執迷云

風俗四 禁賭博

禁賭博示

關西 李含馨 諱月桂 守憲 潘陽人

爲嚴禁賭博以靖盜源以安地方事照得農工商賈
各職其事財用於是乎出衣食於是乎克無論務本
逐末總期三時不廢而工利相資庶幾家給人足以

成熙皞之治有等遊閒無藉之徒不循本業專以陸
博爲生每每結黨成群煽誘良家子弟富賭騙財惟
圖自己飽衣煖食不顧他人敗產傾家不肖子弟一
墮其術率皆迷而不悟不死不休以至窮餓其父母
凍餒其妻子親友姍棄隣里譏彈且賭窮爲盜勢所
必至越禮敗行何所不爲殆至犯法亡身悔何及矣
新旨森嚴設有流徙站配之典亦無非爲不肖愚民
下此頂門針令改過遷善以自保其身命耳爾等自
思亦何苦不學好人而甘蹈法網也合行出示禁諭
爲此示仰闔屬軍民人等知悉如有前項匪徒卽速



煎洗肺腸改圖變業如有怙終不悛則今日之遊手
卽將來之盜賊本道務絕其源立刻嚴拿從重究遣
非懲賄博乃杜奸萌勿怪本道行法之太峻也

風俗回誠輕生

立法勸諭等事

江寧俞硯如諱滋慧
邑宰新會人

照得江寧一邑糧無頭戶訟難刁詞風俗可謂醇矣
惟是本縣蒞任未及兩月見民間自縊暨投河淹井
之事數數見告查其致死之由非有奇冤大抑力不
能伸亦非有勢焰豪威逼不可受止以家庭細故鄉
曲微嫌偶爾致爭遂付身命于一擲甚至有以衣食

不敷疾痛難忍亦遂覓此短見者司牧者見此能不
怒焉于中但既事關人命無不相驗之理察其有無
別故始憑報憲本縣事務殷繁不能一一親理勢必
委之衙屬而衙屬所司又非一事或遇別冗勢必暫
停及至勘驗得實已經暴露多時矣目擊蠅蚋姑嘅
之極慘雖孝子不能掩其親則知血肉糜爛之堪傷
卽循吏不能已其事既無積恨難容又非深冤莫解
何故自棄其生又復蹈此身後之餘慘甚為吾民不
解也殊不知因緣果報絲粟不爽前生釀今世之因
今世伏來生之案是孽肯由于自作怨尤無損于天

至情
至文
炳然
千古

人動輒忿爭。突然自盡。是前世之因。未償而後世之孽。復作矣。世世沉淪。曷其有極。况疾病有痊可之時。貧窮有利復之理。小忿小嫌。事過即解。何至自輕生命。永墮重泉。殊可浩歎。願我民交相詰誡。使愚蒙警醒。咸登壽域。享考終之福。正丘首之仁。有裨民命。豈淺鮮哉。本縣細繹其故。凡民輕生。雖屬死者之愚實。由生者之忍。使家人果能消弭。隣佑善于解紛。豈致積怨叢尤。釀成此禍。自今以後。凡有自縊投河淹井等項。除真正有人威逼及用強毆打。以致自盡者。自當照律究擬外。如止因前項細故。並無不解之讐。爾

等家人隣佑果能力為勸解。曉以因果。諭以生死大道。自然反迷成悟。樂生畏死。若復因循坐視。見死不救。從來幸災樂禍之人。即是唆爭起鬪之人。本縣既傷死者之難生。必恨生者之不救。從重究懲。以挽頽俗。爾民慎毋泄視。謂此罪為律文所不及也。

勸諭愚民等事

六合縣令顧南樓諱高嘉

照得六邑民風剽悍。好鬪爭勝。每因細微起釁。輒以身殉。或投塘。或自縊。甚至一朝之忿。斷頸不顧。原其設心。不過謂以死相博。遂可破其身家。泄我忿恨。伏讀律例。一款。凡因事威逼人致死。者杖一百。追給埋

葬銀十兩猶必審有可畏之威始合此律若平等之人罪又在所減也夫殺身之痛何等重大止博一杖况本縣承乏三載從來慎刑去罰就事原情一審卽結斷無破家之累彼以性命輕試不幾等若鴻毛深可痛惜乎爲此示諭概縣軍民及保甲長鄉耆各要遍相申飭父子夫婦兄弟間尤當朝夕勸戒慎毋片時抱憤飲痛九泉本縣婆心懇切萬勿過耳不入也特示

風俗五 勸埋柩

募勸掩骨瘞骸

杭嚴黃口口 諱鳴俊 福建人 巡憲

吳越向多火化水淪之風司牧者以禮教董之封阡始盛然力艱弗舉地遠弗歸與夫拘牽於陰陽于支之說者不免暫停積以待首丘而一時射利之徒遂築土爲居廣招寄頓索直不遂則委之戶外飽饑薦而飢聚蟻其去火化水淪也無以異此廓除之厲禁所繇興也夫家稍殷而拘牽於陰陽干支之說只須尺一檄之自理足矣若力艱弗舉地遠弗歸者無漏澤以安其魄無資錢以給其傭而徒爲厲禁阻之仍委白骨于荒郊悲青燐于永夜哉幸撫院喻按院方慨然以捐餼置地爲已任而本道與府縣諸僚相

率從事紳纓長者復從而擴錫類之仁欲本道出一
言為激勸夫仁人惻怛因物而拯期乎無憾東坡之
贈李薦堯夫之贈曼卿彼豈羨西伯本支百世之報
始為是善舉哉迺今之好施崇祀多方佞仙佛者將
以廣福田也彼一土本耳相與雕鏤之丹青之金碧
宅之鍾磬奉之以求夫介紹于上帝寵綬百祿至於
胞與形骸秦越相視一付之烈日炎風寒霜冷露之
場即自為福田計而孰妄孰真孰緩孰急寸地應自
了了固無俟持鉢者之遍為饒舌矣本道執是以祇
告同志兵樹陰功若夫卜地宜高燥瘞禱宜標題以
及受僱給金有條請佃自封阻撓後墜有禁尤願在
事諸員役力行而曲體焉

風俗六 禁質女

禁典妻女

夔州姚繼菴諱士升江陵人

地無華蠻人自蠻之瓊俗之陋未有甚于質婢者也
間左之氓生女或十餘歲輒以質錢有至二十以外
未得贖嫁者所質之主或轉質經數家絜瓶之智已
不可問寄珠越宿又安盡保其故吾耶本廳每閱訟
謀間有此事蹙額切齒既而思之斯皆為爾上者教

翻而文

養無方豈弟之未至而爾等饑寒徭賦迫促無聊嗟
壤廉恥之故也夫俗至典僱子女以克公私之用而
為人上者尚恬然坐堂皇食處如恒不一痛心引手
其為鮮廉寡耻何僅在下木廳願與爾民蠲前宿耻
再整廉隅以挽頹俗并與諸富家受質者暨兵丁有
前此准債收質者約限五日內盡赴本廳首報凡有
質者計年除值五年以上者徑還本主三年以上者
半贖不及三年者三之二贖其價買非質當者不在
此例有力不能者本廳雖貧願為爾代再不足為爾
募富家兵丁有能議減者佛天聽甲凡有福田利益

每見有
鄭衛之
君樂談
鄭衛之
俗者視
此當居
何等
聖心佛

有至情
自有至
文不求
工而工
之至矣
恣歸爾富家兵丁木廳無預相與共成此一段太陰
臨返蠻俗而歸華醇大家合掌天人拱聽嗟乎至尊
萬乘尚放宮女三千吾濟小人可慘蠅頭什一不過
取懷之予便是再生大生本廳負此募簿廣求慈悲
倘或慳執亦能捧喝當頭也特示

風俗七 禁錮婢

禁止錮婢不婚等事

金華 羅鏡菴 諱靈章
別駕 江都人

照得男女匹配理合陰陽婚嫁踈此事于倫理男子
弱冠而婚女子及笄而嫁此古今不易之規例也訪
得婺州惡習民間婢女有年至三十四十而未嫁者

甚有禁錮終身髮白齒落而未經字人者是天地間
陰陽二道竟屬徒然夫婦一倫總成虛設悖理傷化
于犯天和莫此爲甚此皆富家大族喜用無夫之女
便于出入房幃恐其一經配合卽分事主之勤以修
愛夫之好是以日復一日年復一年遂不覺老之將
至及其老也欲行配合又無樂受之人此其所以子
處一生永乏于歸之日也夫姓若此貧家小戶又復
尤而效之父母之子子傳之孫遂成今古相沿之惡
習若不遇一辣手之官嚴加禁革擇一二頑梗不遵
者盡法懲之則此陋習頽風流將安底試問呼奴使

婢之人孰不有兒有女胡不設身處地試一忖量親
生兒女過期不嫁父母有不哀憐兒女者乎兒女有
不怨恨父母者乎人有尊卑情無上下何怨于待已
而刻于待人乎且凡民之家畜一牛羊犬豕尚思爲
雛覓雌移牝就牝而獨于婢子不然何慈于待物而
忍于待人乎汝身自有妻妾汝之兒女亦各有夫婦
皆其習聞而熟睹者窺此琴瑟之歡增彼向隅之泣
此種人情不加體貼豈真鐵石爲心者乎合行嚴飭
爲此示仰合屬軍民人等知悉凡有了鬻婢女年過
二十以上者不論大家小戶總以一月爲期或外嫁

良民或內婚僮僕盡行配合如過期不嫁不配者許
地方鄉保人等指名首告以憑盡法嚴處其婢女卽
着地方鄉保擇貧窮男子之無妻者至本廳當堂配
合量給聘資不准全禮此後著以爲例凡屬民間使
女婚嫁之年總不得過二十以外茲本廳一面出示
一面申詳各上臺事關移風易俗諒無不批允飭行
者也特示

風俗八 禁造訛言

諭惠潮二屬

嶺東李包閣諱文煌
河南人兵憲
爲嚴禁訛言惑衆以安地方事照得我 朝定鼎法

制修明無一舉而非仁民愛物之心無一行而非保
民致治之事粵東界在南服去京師遼遠有等不法
奸徒慣借異論搖惑地方茲又訪得前項奸徒創言
流布有選取幼女寡婦克爲宮使以給蒙古之說致
使里巷愚民承訛踵謬各將賢淑幼女混嫁非偶之
徒三從罔顧六禮不行且有守節多年之娶婦忽抱
琵琶從戎未返之征妻頓乖琴瑟傷風敗俗壞法亂
倫莫此爲甚除一面嚴訪造訛之人按法重處外爲
此示仰閩屬諸邑人等知悉爾等從前所聽盡屬訛
言毫無影響自示以後各宜安心樂業無得輕舉妄

動以致倫理乖張男婦失所如有云許捕巡員役及地方人等密訪得實或稟該地方官或卽具呈本道以便嚴拿嫁娶之家并媒妁人等立置重法決不姑貸

風俗九 禁屠牛犬

通行各屬牌

甘山 巡憲 袁蓼匪 濟寧人

為察禁屠牛以清盜窩免妨農作事照得宰牛之禁奉旨申飭已久軍興以來椎埋犒饗之餘所存無幾加以盜賊遍鄉狼贖鼠竊專盜耕牛以致田畝拋荒農民棄業茲值封疆稍安內城外鄉積盜芟除入

九小民甫得買牛耕種聞有不法之徒盤踞鄉村敲刀而屠弱肉強食一窩買賊牛半夜來者半價而售五更到者量與薄值影附豪惡威稜假託營兵資本勾結城市積棍表裏為奸或借名官買驅趕入城或巽藏肉臟挑進販賣屠家恣意吞肥盜賊希圖滅跡聞有失主追蹤躡跡尋至伊家畏懼惡焰不敢告發告亦不得真贓所以忍氣吞聲明知已物無從識認是宰牛之人久作強盜窩家地方有司未嘗過而一問不幾絕此種類以供若輩之粘俎矣乎除城內數家諭令悔過改業一面條引律例出示曉諭禁絕

外合就通飭。為此牌仰西寧甘山等處各州縣衛云。如有損傷病死之牛。本主赴該縣呈報。驗明批照。方准開剝。不許里保差役借端詐騙。其官買迎犒及取用皮角。責累當行原屬未流苛政。有傷治體。願我賢有司併行蠲除。勿致仰于明禁。下病農功。為盜賊增一淵藪也。

嚴禁私宰

房山邑令 佟孚六 諱有年 闕東人

照得買犢為治。耕牛居農力之半。卽以朝廷之上。非郊祀大典。勿輕用也。其中果報更難枚舉。本縣未暇宣諭。但彼有功于人。無故恣情一割。抑何忍也。且大牢滋味。原非口用。必需嗟此凶荒。半粟不飽。而尚宰特牲。以克口腹。耶。非唯罪孽難逃。兼且暴戾天物。本邑向無私宰屠行。恐僻遠鄉鎮。或有忍心射利者。不得不遍行申飭。

嚴禁宰牛

六合縣尹 顧南樓 諱高嘉 秀水人

為嚴禁宰牛。以肅功令。以禳旱災。事照得屠牛之禁。叠奉嚴綸。屢蒙憲檄。本縣禁飭再四。不啻頽頽舌敝矣。奈罔利之輩。枯惡不悛。貪恣蠅頭。甘蹈法網。不思萬物之中。惟牛最靈。亦為牛最苦。佐民耕稼。則犁兩鋤雲。力任輓輪。則任重致遠。誠以力濟人之物。

無意為
交而自
然典雅
望而知
為提刀
本色蘇
中之交
不若是
也

有功于世者甚大。乃肉飛血灑。慘目傷心。就戮而哀。鳴鼓刀而墮淚。觀其般觶。深可憫憐。故殺牛之禁。不惟王法甚嚴。抑且冥責尤重。歷觀因果。報應昭然。爾等誠于清夜。捫心自反。積孽百務。皆可資生。何必操刀為活。五味盡能適口。奚難舍此一縷。目今上天垂戒。八夏亢陽。民力竭矣。何堪再罹凶年。過則改焉。庶可挽回天意。為此仰檄縣軍民人等。凡宰牛屠戶。俱限三日內。毀鍋改業。地方隣里。具揭報查。倘視為具文。致而不改。本縣薑桂不移。有言必信。或經告發。或由訪聞。立置重典。勿謂鬼神可欺。三尺可漏也。

所有宰牛報應採其尤者列後為合邑百姓勸懲其各錄記家諭而戶曉焉

計開

一平泉陸公會試時。王陽明先生之父海日翁為郡太守。夢見城隍庭下。皆係陸善人。問之名樹。聲明日召陸公。外父李秀才問之曰。汝婿平日何為。夜夢如此。可異也。李對曰。是常勸人勿食牛肉者。已而遂報春榜第一。

一縉雲管樞密師仁少時。元旦五鼓。遇大鬼數輩。形狀猙獰。問之對曰。我疫鬼也。今行疫人間。仁曰。吾家

有之曰無也何故得免曰不食牛肉

一萬曆己酉科應天府庠李鑑祈夢神祠夢與楊應文同榜楊名下大書祖父陰功浩大六字更畫一牛豫在旁李查訪庠籍有楊應文姓名謂必同中及院試楊生不得科舉李入場快快自失泊揭榜有楊應文同榜乃常州無錫人也因詳扣楊氏前代陰騭事楊云其家不宰生不食牛已三代矣

一秀水包孝廉諱世杰刻耕牛苦偈告世舉家不食

一子包鴻達順天發解一僭陳萬言浙江發解

一龍泉邑趙太保好屠牛常買三牛已宰其一一女

天未明忽覺作哮喘聲經日不醒急呼醫者用藥救療方甦家人問故曰適見所買一牛忽作人語一曰吾爾父也一曰吾爾祖也須臾二牛皆人形熟視之則皆吾父吾祖也哀號懇切驚駭而覺卽以二牛付之庄田自是改業

以上係烹宰善報

一宋房州李政爲保正頑僻健訟交結吏胥巧爲囑托官司莫能治性嗜好牛肉每至人家爭以牛肉餉之逾量酣飲然後肯去稍不如意卽以事踪跡人而中之淳熙四年暴亡其家牝牛當生一犢腹下白毛

成保正李政四字。人有來覩者。則坦腹以示。每見妻
子。輒流涕。後復爲虎所食。骨肉皆盡。

一奉新縣村民繫牛于柱。將殺之。其隣家子平日饜
食。乘醉入覩。踞坐指屠者。速操刀。我欲肺腑生食。不
宜緩。仍不可與他人語。至再三。牛忽驤首。怒目直視。
此子奮力擊索。索斷。直前徑觸。穿其腹。戴之以走。過
四十里。不脫。鄉人及其子弟。奴僕百餘人。槍杖叫噪。
其往追逐。乃得其尸。

一鎮江華回子。父子宰牛。忽仆地作牛鳴。臥病月餘。
額生雙肉。角長寸許。死時。人皆聞牛尸氣。

一景世庠死。至陰司。見因徒甚衆。一沙門地坐前列。
簿書斥世庠曰。汝本應福壽。坐殺牛三百七。啖犬肉。
合當貧歿。世庠曰。食犬有之。牛實未嘗殺也。沙門曰。
汝爲里正。里中殺牛而汝不禁。與汝殺。何異。姑還警。
世越明年。復卒。嗚呼。以不禁殺牛而遽坐以殺牛之
罪。陰司法網之察。如是哉。

一太和中。光祿厨欲宰牝牛。牛有胎。不久合生。或議
以他牛換。屠者不聽。操刀而前。牛乃屈膝而拜。屠竟
殺之。後屠者狂走失常。每日作牛啼。食草少許。身入
泥中。以頭觸物。良久乃死。

一宋譙國城父人王曇略常以牛作脯爲業一日殺牛牛見刀輒跳躑欲走曇畧怒乃以刀刺牛日少時目眼無故流血遂盲

一廣陵朱氏子家世勲貴性好食黃牛所殺無數常于暑月中欲殺一牛其母止之曰暑月如此汝已醉所食幾何勿殺也子向牛言曰汝能拜吾吾赦汝牛應聲下跪而拜朱反怒曰畜生安能會人言立殺之數日病恒見此牛爲厲竟作牛聲而死

一滁州人姓來名安屠牛爲生每令其子視其用刀欲世爲業一日安酣寢子以爲牛持刀斷其首置駭

曰汝何殺父子曰我兄是牛不知是父父常教我殺牛今見牛睡試刀法耳殺牛而自死牛之下并假手其子此報大奇

以上係烹宰惡報

禁宰耕牛示

錢塘 梁治湄 諱允植 邑宰 真定人

照得牛之爲物上應天星下闕地利有功于世無害于民故宰剝耕牛禁例申明其來舊矣本縣蒞任兩載未獲仁民敢云愛物但思

朝廷無故尚且不殺小民有禁輒敢私屠况適口充腸儘有肥羊嫩豕邀賓宴客復多海錯山珍舍此不

食而必欲害此勤勞善物。稼穡功臣。却是爲何。殊難
索解。合行炭禁。爲此示仰軍民人等。知悉。嗣後倘有
仍前開張舖面。屠宰公行。罔知畏懼。者許地方總保
不時稟報。以憑立拿。按法重治。互相容隱者。察出一
併究罪。

禁剪竊示

江南陳可貞諱秉直
泉憲海城人

爲嚴禁剪竊之害。以安地方事。照得欲清盜賊。先炭
捕役。欲靖根株。務究窩主。此端本澄源之法也。近聞
省城內外。有一種剪捨積賊。每口三五成羣。在鬧市
之中。窺探行人。腰纏乘隙。剪捨及其知覺。而各賊業

心若如
磨之鏡
明燭秋
毫又能
追本窮
源扼其
樞要無
怪乎大
江南北
替竊神
明至今
不去口

已遠遁。在本。地。居。民。尚。不。能。訪。緝。追。尋。若。遇。外。來。之
人。茫。無。適。從。苦。將。誰。告。訪。得。剪。捨。竊。賊。各。有。地。方。及
窩。家。如。某。方。剪。捨。卽。尋。某。方。捕。快。便。知。某。賊。根。由。但
捕。快。追。尋。俱。視。失。事。人。之。強。弱。如。遇。能。事。之。人。恐。鳴
官。府。先。與。講。明。謝。禮。然。後。爲。之。訪。緝。雖。不。能。得。物。之
全。亦。或。少。歸。其。半。如。遇。無。能。爲。者。既。索。酒。食。又。索。尋
物。之。資。未。有。所。獲。先。有。所。費。日。久。無。奈。只。得。含。忍。寢
息。其。所。失。之。物。捕。快。與。賊。因。而。瓜。分。此。捕。竊。通。同。剪
捨。之。害。乃。日。間。事。也。當。此。隆。冬。正。盜。賊。生。發。之。時。城
南。地。方。人。烟。湊。集。柵。欄。嚴。密。夜。間。或。可。無。虞。惟。城。北

僻靜地方人民稀少巡緝不密盜賊時時竊發失主誠恐拖累大半隱忍不報以致夜夜不寧皆因捕快素養積賊小得則月月納獻規禮大得則贓物均分此捕快通同積賊之害又夜間事也嗟嗟饑荒之後小民尚未甦醒何堪日夜荼毒本司為爾百姓籌畫不能安枕除檄行南北兩捕官并上江二縣每逢初二十六投遞各捕有無失事甘結去後仍令該廳縣將素義勇緝竊賊各捕快拿究外合示嚴禁為此示仰軍民人等知悉凡有剪絡搶竊等害如某方失事即尋某方總甲并守方捕快着落追尋如不追尋即稟報廳縣若廳縣不為追拿捕役勒索酒食資財將

事主拖累日久所費不堪等弊許赴本司不時減稟立拿查實官則報衆捕則處死務期盜跡盡絕如未經投遞廳縣及捏報私讐審明加倍重處其剪竊各賊窩家地方隣甲隱匿不報查出並坐不饒特示

禁把持婚喪需索重費

江南陳司貞海城人

為嚴禁市棍把持以便民情以肅法紀事照得本司秉憲江南釐奸察吏惟期訟簡刑措弊絕民安故凡地方利病靡不悉心探訪極力興除近訪有亭彩舖戶結黨齊行向來各分地界使民間需用不得赴他

亭彩樂
工之為
害處也
皆然而
江南尤

甚至于方租辦任彼高擡租價。恣意勒索。凡有婚喪之家。不
用。既不可別租。又不容勢。必厭其所慾。而後已。是亭
彩鋪戶把持措勒。已于民久不稱便。又有轎燈租器
舖戶。向俱隨處租用。近亦效亭彩之尤。不特各分地
界。更且擅立公店科歛公費。又有鼓吹樂工。亦分地
方。互相把持。壟斷網利。婚喪之家。大受其害。若不嚴
加禁革。將來事事效尤。為害地方。終無底止。至馬頭
脚夫。雖云各守本坊。然遇事多勒僱價。不容別覓。亦
屬把持強梁肆害。均為不法。合行嚴禁。為此示仰舖
戶軍民人等。知悉。嗣後民間。凡遇婚喪租用亭彩燈

之棺槨
及枯骨
仁人之
利溥矣

轎并僱覓馬頭人夫等項。悉從民便。聽其隨處租覓
不得仍前結黨把持。分派地方。及設立公店。多勒租
價。如有故違。許被害人等。即赴府縣首告。拿究申解
本司以憑盡法究處。不貸

禁喇棍叫好示

江南陳司貞
泉憲陳司貞
海城人

為嚴禁叫好喇棍。以清盜源。事照得江寧省城風俗
素稱純樸。豈今近時。蠶風日熾。出一種無賴喇棍。似
乞非丐。遊手好閑。以精壯之徒。故作窮兇之態。每日
窺抹婚嫁喪壽。大小有事之家。或三五成群。或十餘
人一夥。到彼說油語。數句名曰叫好。因而索錢索酒

稍不如意即行辱罵若與理論即肆兇打庶民之家寡不敵眾難與相爭富貴之家又體統自重不屑與之較量每每含忍聽其擾害所詐之錢動以千紀以致此輩相習成風全無顧忌竟以此為應得之常例當場議價開口動索數千十人畏其兇止求減而不敢逆更可慮者凡民間吉凶喪娶親朋畢集往來雜沓最易疎虞此輩名為叫好實窺家室之盈虛井探門戶之出入以為盜竊計耳青天白晝行竄如此若在昏夜何事不為古云清盜必清其源源清斯流不濁此等皆盜之源也地方官總未知覺以為乞化

牙以善

小而不為先生省焉

小節漫不深究為知涓涓不塞流為江河此輩以乞丐始窺肯以乞丐終乎除檄行南北兩捕官及上江二縣拿究外合行嚴禁為此示仰省城內外軍民人等知悉示後但有無賴遊棍假粧廢殘病丐三五成群仍蹈前轍叫好索詐凌辱扛打等情即著落守方捕役該舖總甲立刻鎖拿交付該管衙門出示驅逐如捕甲不行緝拿查出加倍重治決不輕饒

禁破喪勒詐示

江南陳司貞諱秉直泉憲海城人

為亟除第一惡習以致風俗以廣孝治事照得生養死葬人子所當為暴骨露棺不孝之大罪先賢有麥

既有此
等破祀
再加高
移來工
轎時等
人之助

案欲不
久停親
喪其可
引于

舟相贈之義凡民有匍匐往救之情未有乘人之喪而反藉者也本司訪得江南民俗竟有祖宗父母歿經葬而未塋者甚有歷三四世而停棺壘不能入土者細察其故皆由親族人等執有破孝名色一值舉殯輒扶老携幼擁坐喪家需索酒席務必暢飲歡呼連宵達旦而後已稍不滿意或聞有头邀又必開然喧鬧不容舉棺富者雖遭破耗猶能勉力為之無力者束手嗟噓惟有日復一日年復一年聽其暴露于家而已更可怪者凡人妻妾病故不論有無別情其父母親屬人等必開聚偕家先毀器

皿什物以示威然後勒令如何厚殮如何齋醮如何安葬志得意滿方許入殮觀此舉動是人之娶妻非以助家反以破家也休戚相共之誼其謂之向本司弼教明刑職端風紀似此惡俗急宜掃除合行示禁為此示仰軍民人等知悉凡有一切亡故屍棺應塋未塋者審己力量隨時殯埋倘有此等惡棍仍執破喪名色糾集多人需索酒食勒措阻撓者許受害人協同地方總甲立時呈報所在地方官解赴本司除重責外定以三百斤大枷立枷一月至于已嫁之女身故果有別情官法具在若係病亡凡有親屬打至

借家借端勒措者亦許受害人同地方總甲隣佑立
時報官依圖賴律從重治罪決不輕貸

禁毆棍打降

江南陳司貞諱秉直
臬憲海城人

爲申禁打降痛遏毆棍以昭功令以安良懦事照得
打降爲害江南時有而蘇松尤甚如^某等一有發覺
本司卽盡法處治隨經^某在案仍恐此等棍徒怙
惡不悛狐羣狗黨引類呼朋打造金剛箍流星鐮檀
木棍鐵索鏈諸般兇器盟香會集不論吉凶慶賀之
事卽擗身其中腹不醉飽不止橐不盈滿不休少有
未遂蜂擒肆毆尤可恨若一遇訟事或原或被必先

投託打降非未審以前四路塊拿毒毆則旣審以後
布陣攔打視人命若草菅藐官法如弁髦此真 聖
世之窮竒治時之檣杪者也合再行嚴禁爲此示仰
所屬諸色人等知悉嗣後如有前項毆棍結黨打詐
把持官事仍干街巷邀截行兇者該地方巡捕官役
卽便擒拿解司以憑大法懲治其有在府廳縣衙門
糾聚肆害該衙門不卽擒解者卽以不職揭叅法在
必行務淨根株以洗惡俗前項奸徒各宜洗心滌慮
痛改前非無以身家性命輕試本司嚴法也

